

355
Ю 94
57627.

ЛЕНИНСКАЯ
БИБЛИОТЕКА
ИМЕНИ
СТАЛИНА



В. ЮЖНИН

СОВЕТСКОЙ
СОЮЗСЯ ТЕРЬ

НИКОЛАЙ ОПЛЕСНИН



ЛЕНИНСКАЯ
БИБЛИОТЕКА
ИМЕНИ
СТАЛИНА

Колми Физ
1942

355
1094

В. ЮХНИН

Уч



54624

*СОВЕТСКОЙ
СОЮЗСА ГЕРОИ
НИКОЛАЙ ОПЛЕСНИН*

АБОНЕМЕНТ
Республиканской библиотеки
КОМИ АССР г. СЫКТЫВКАР

*Кни Физ
1942*

ЛЫДДЫСЬЯС ДІНО

Сöветскöй Союзса Герой Николай Васильевич Оплеснин йылысь тайö очеркскö гижöма сöмын торъя эпизодъяс серти на, кодъясöс удайтчис авторлы тöдмавны документъясысь, герой дневникъясысь да сылöн мам Анна Ефимовна да гöтыр Надя висьталöмъясысь. Наясь кындзи öткымынтор висьталісны велöдчöм да удж кузя ёртъясыс геройлöн—художник В. В. Поляков, учительница А. А. Ярасова, инженер Минин, физкультурникъяс—М. А. Другова да В. П. Парилов.

Николай Оплеснин являйтчö образецöн мян томйöзлы не сöмын фронт вылын аслас геройскöй поступокнас, но и табдз на,—быдмигас, велöдчигас, уджалігас. Вöзйысьö ыджыдджык художественнöй произведение.

Корам тiянöс, донa читательяс да геройлöн тöдсаяс, ыставны Сöветскöй Писательяс Союзлöн Коми Правлениеö ассьынд замечаниеяс да став сiйö виль материаляс, кодъясöс тi тöданныд герой олöмысь.

Автор.

В. ЮХНИН

Герой Советского Союза

НИКОЛАЙ ОПЛЕСНИН

Для детей среднего возраста

Отв. редактор Я. М. Рочев.

Ц 3315. Заказ № 1270. Тираж 2000 экз. Печати. листов 3,25. Подписано к печати 8/VIІ—42 г. Цена 3 руб.

Отпечатано в республиканской типографии Коми АССР,
г. Сыктывкар, Дом печати.

НАРОДНОЙ ЛЮБОВЬ

Татшом средной школы, кони велодчо Витя, Сык-
тывкарын неумын. Дай школьникыд ставас лыддыссы
сюрсыясон. Только вот тарыт эм-о кодко шудаджыкыс
Витясы? Сийо—код тодас! Сылы сетисны пригласитель-
ной билет карса торжественной заседание выло, коди
нуодсыо театрын Красной Армиялы кызь нельод во ты-
ром кузя. А тайо заседание вылас, чайтоны, лоо Совет-
ской Союза Герой Николай Васильевич Оплеснин, коди
регыдик кежло воома гортас отпуско.

И со рыгнас, кокъямысод часо, тэрмасысы йоз чукор-
код тшотш Витя пырис Коми драматической театрo.
Кыдзи и мукодъяс, раздевалкао сийо сдайтис паськомсо,
видзодчыштитс зеркало пыр да, быттьо мыйко корсигмоз,
пыравлис залo, фойеo, буфетнойo да весиг курилкаo.
Быдлаын йозыс воли тыр нин. Пoryсыяс и томъяс, муж-
чинаяс и нывбабаяс — унасикас праздничной пасько-
маось—мыйко варовитисны, и йозлон тайо отувья шы-
толыс кажитчис вочасон содысь море гыяс шумон. Со-
мын корсюро торъявлас кутшомко нывлон гораджык се-
рам либо ешо мыйко.

И друг корсянторийыс Витялы быттьо сюрис. Фойеод
кругон ветлысыясысь бокинджык сулалис неумын морта
чукор да, стенин ошалысь портрет выло видзодиг, сер-
нитис:

— Вочома, колo шуны, абу лека,—шуo оти.

— Дзоньнассо кужома сетны,—согласитчис мод.—
Сылон ертыс рисуйтома.

Витя видзодлис жо портрет выло да адзис Советской
Союза Герой Николай Оплеснинос. Портретыс воли ги-

жѳма полотно вылѳ масляной краской да пуктѳма рамкаѳ. Подпольку шырѳм съѳд юрсиа, вылын кымѳса, том мичлунѳн красуйтчѳсь чужѳма Оплеснин кажитчис спокойнойѳн, но съѳдов синъясыс видзѳдїсны кытчѳкѳ ылѳ, мыйкѳ думайтѳмѳн. Да ещѳ тѳдчыштїс вомкѳтшъяс муртса-муртса нюммуныштѳм. Пасьтасѳма сїѳ старшѳй лейтенант знакъяса петлицаа гимнастѳркаѳ, а шуйга морѳсас дзирдалїсны Ленин орден да „Золотая Звезда“ медаль.

— А ме чайта, век жѳ, медся шудаѳсь ми, учительяс да учительницаяс,—сѳк костї висьталїс коймѳд.—Миян пай вылѳ усис воспитайтны выль мортѳс—честнойѳс да вежѳраѳс, повтѳмѳс да асьыс Рѳдинасѳ, асьыс народсѳ пѳся радейтѳсьѳс. И кодыр ме аддза асьым вѳвлѳм ученикъясѳс инженеръясѳн, лѳтчикъясѳн, орденосецъясѳн да весиг геройсѳн—ог соссьы—нимкодяся ыджыд радлунѳн. И тайѳ радлунас эм мыйкѳ сѳтшѳмтор, кодї оз овлы весиг мелї мамлѳн аслас муса пьян дїнѳ. Танї эм народ-мамлѳн аслас народ-пьян дїнѳ ыджыдсьыс-ыджыд любовь.

Тайѳс кылѳмѳн Витя чѳвтїс синъяссѳ сѳрнитѳсьяс вылѳ. Вѳлѳмкѳ тайѳ чукѳрас сулалѳны унджыкыс сылы тѳдса йѳз. Ѳти на пѳвстысь—том инженер Петр Иванович Юров, а кыкѳн—учительницаяс: шѳркост арлыда на Валентина Петровна да дзормѳм юрсиа нин Вера Ивановна.

Юрнас докнитлѳмѳн Витя здоровайтчис накѳд да думыштїс кывзыны налысь сѳрнисѳ. Сїѳ шуд кузя, сулалѳсьяс и водзѳ сѳрнитїсны Оплеснин йылысь.

— Прѳста нинѳм оз овлы,—шуис Юров.—Быдторлѳн эм кутшѳмкѳ подув. И кодыр думыштан Коля олѳм йылысь, сїѳ характер йылысь, друг кызкѳ лоѳ гѳгѳрвоана сылѳн бѳръя геройскѳй поступокыс. Ме шуа бѳръяѳн сы вѳсна, мый таѳдз сылѳн вѳлїны нин,—кѳть и не ташѳм масштабн,—збылысь геройскѳй поступокъяс.

„Вот тайѳ интереснѳ“,—думыштїс Витя. А Юров бергѳдчыштїс Витялань да, сы вылѳ чуньнас индїгмоз, шуис:

— Со, со кодъяслы колѳ тѳдны геройлысь олантуйсѳ!

Ставыс видзѳдлїсны Витя вылѳ, но тайѳ кадѳ сетїсны звонок, и сѳрниыс орис кызкѳ друг, виччысьтѳг. Йѳзыс мѳдѳдчисны залѳ. Пырисны тшѳтш и сѳрнитѳсьяс. Эз тѳрмась, кажитчѳ, сѳмын Витя. Сїѳ первойсѳ кѳсийс

мыйкō вочавидзны Юров кывъяслы, сэсса кежыштис туй вывсыс, а кодыр фойеыс тыртōммыштис, пōв-мōд кытшов-тис сийōс. Тадзи овлō мортлōн сэк, кор сийō ас вын сертиыс кōсийō вōчны мыйкō ыджыдтор, но стōчсō оз на тōд, кыдзи кутчысьны та динō.

Кылō, сетисны мōд звонок, сы бōрын—коймōдōс. Дзикōдз нин кушмисны курилка, буфетнōй, лōнис, кылō, зал... А Витя век сулалис оні дзикōдз нин тыртōм, декоративнōй пальмаясōн мичмōдōм, джуджыд да паськыд тайō фойеас, век видзōдис стенъясō. Портретыс вōлōмкō сэнi абу оти. Оти стенин ошалисны Ленинлōн да Сталинлōн портретъяс, мōдын—Оплеснин портреткōд орччōн—Сōветскōй Союза Герой Марковлōн, а коймōдын, кодōс кымыштōма еджыд колоннаяс вылō пыксōм балконōн, красуйтчис коми народлōн коймōд багатыр—герой Кисляков.

Чōв сулалō сылōн станкōвōй пулемѣтыс: бырōмаōсь патронъяс. Тайōс адзōмōн, гитлеровскōй гадъяс смел-мōмаōсь да дзонь чукōрōн матыстчōмаōсь Кисляков динō. Но не босьтны сийōс куш киōн! Врагъяслōн самōй чукōрас Кисляков шыбитōма нин смертельнōй граната да сув-тōмōн овыштчōма шыбитны мōдōс. Гадиная шемōс-ынōсь...

А лōз занавесъяса джуджыд ошиньяслы паныда стенин паськыда ошалис вильōн на гижōм панно—ыджыд картина, кōнi петкōдлысьсō мойдын кодъ мича водз арсѣвъя рыт. Портретъяслы тайō вōли кутшōмкō мōд противоположностьōн. Отарас фашизмкōд смертельнōй тыш мунōм йылысь, героическōй подвигъяс йылысь казътывлōм, а мōдарас, тайō панноас, тиньсвидзысь лōнь, кодi кыскō рытъя унлань.

И збыльсь: муртса на лѣччōма шондi. Рытъя кыаыс алōй гōрд рōмōн пōртмасьō небесаын, шочиник кымōръяс вылын. Арся рōмъясō вōччōм листа вōр пушкырвидзō вōрзьōдчытōг, быттьō вугралō. Тайō вōрнас ойдōма и синлы судзмōн ылыыс, и кыр йылын сулалысь еджыд аркаа сѣтшōм жō еджыд дом, и, кажитчō, весиг ю пыдōсыс, кодлōн веркōсыс югвидзō зеркалō моз. Некōн ни оти морт лов. Ставыс шойччō кызкō аслыснога спокойнōя, благодатнōя. И сōмын керка весьтти лѣбысь юсьяс петкōдлōны, мый тайō, уна краскаа мирнōй пельōсыс

ловья. Но и найо оз дзугны лоньлунсо: лэбны горзы-
төг, бордшытөг...

Модисны кывны дженъыдик да дружной аплодисментъ-
яс, и Витя сомын они энотис фойе.

Залын йозыс воли дзик тыр. Борянджык пырысьяс
повстысь кодсюрояс весиг сулалисны одзосъяс дорын про-
ходьясас, и тыртом места йылысь воли нином думайтны.
Витя пуксис медборья радас аслас кодъ жо ерт дино мод
мортон оти местао. Креслоыс воли балкон улын нин,
стен дорас. Водзын пукалысьяс вомон тасянь тыдалис
ставыс да торья лосыда сенавыв, кытони сулалисны
горд шолкон паськыда вевтьом кузь пызан, бокинджык—
трибуна; пызан сайын—радьясон стульяс; на сайын—горд
шолкон жо эжом подставкаяс вылын Ленинлон, Сталин-
лон еджыд гипсысь вочом бюстыяс да ловья цветьяс.
Чим горд, зарнион гижом советской эмблемаяса кык
ыджыд бархатной флагьяс сигоралисны тайо торжествен-
ной рыт кежло воччодом сенасо. А электричестволон
ярьюгид биыс югдоис ставсо, кыдзи куслытом шонди.

Торжественной заседание восьтис республикаса Вер-
ховной Совет Президиумса Председатель. Трибуна вы-
лын сулалысь оти ерт лыддьодлис йозос, кодьяс предла-
гайтсьоны президиумо. На повстын волины и советско-
партийной да военной работникьяс, предприятиясса да
матыса колхозьясса медбур стахановецьяс, и ученойяс
да артистыяс, и комсомолецьяс да пионерьяс. Быд ним
шумом борын ставыслы дружноя аплодируйтоны, кодсю-
рояслы торья пося, солломсянь, а на повстысь медсясо—
Николай Оплеснинлы. Сэсса аплодируйтисны „вцелом“,
и зал здук кежло лоньыштис, только эз дзикодз да ка-
житчис, быттьо ытва дырйи плотинао пуктисны содтод
вель кутод. Но сэк кості вывсяныыс быттьо ыпнитис-
воис вовлытом на вына вель гы, плотинаыс кытко няз-
гысис-разсыштис, да ваыс уськодчис ызгомон-бузгомон.
Музыка шы улo сцена вьло петкодчисны некымын морт.
На повстын Советской Союза Герой Оплеснин. Сийо
шоркодъ тушаа, стройной, военной выправкаа, тыдало,
зилис кольчыштны йоз борасджык. Но орчон пырысьяс
кужомон сувтовкерыштисны, кыдзко аслысног вежливоя
пошти йоткыштисны водзлань сийос. Тайо воли пырму-
нигмоз. Николай Васильевич нюммуныштис, муртса ви-

дзёдліс первой ёртъясыс вылө, сэсся залө. Зал выльысь дрөгнитіс, пукалысьяс сувтісны: тайө геройлы. Оплеснин өні сулаліс пызан дорын Верховной Совет Президиумса Председатель да партия Обкомса первойя секретарь костын да, кыдзи и ставөн, аплодируйтіс.

— Мед олас мяян рөднөй, непобедимөй Красной Армия!—друг кодкө горөдіс лозунг.

— Фашизмлы смерть!—содтіс мөд. А сэтөні и коймөд, нельөд.

— Мед оласны советскөй народлөн багатыръяс—Советскөй Союза Геройяс!

— Мед олас багатыръяслөн бать, великөй вождь да мудрөй полководец Сталин ёрт!

И дзөнь заллөн юрөбтіс вына „ура“.

Овация мөдіс нюжавны. Героическөй Красной Армия дінө, Сталин ёрт дінө народлөн медся нежнөй, медся пөсь чувствоясыс йитчисны-сорласисны өтилаө моз да петкөдчисны геройөс ошкөмын, сійөс прославляйтөмын. И сылөн муса мамыс, и дона гөтырыс, кодъяс пукалісны йөз пөвстын, и сылөн другъясыс, ёртъясыс да став мукөд советскөй граждана, кодъясөн тырөма залыс,—ставыс петкөдлөны өти мөвп, кодөс позьө шуны кывъясөн: „Советскөй багатыръяслы слава! Сетамөй став вынъяснымөс Рөдина да честь, независимость да свобода дорйөм вылө! Бырөдам му вылысь вир юысь гадъясөс—фашистскөй извергъясөс!“

Витялөн сьөлөмыс, кылө, төдчымөнъя тэрмасис. Кутшөмкө аслыспөлөс, некор вөвлытөм нимкодълун вөдитіс асьсө.

„Со, вөлөмкө, мый сэтшөм геройыс!—думыштіс сійө.—Со кутшөм, вөлөмкө, народ-мамлөн аслас народ-пи дінө ыджыд любовыс! Татшөм өти минута вөсна, кодөс шөдөдөма героизмөн, позьө сетны ассьыд став олөмтө. Горький рассказын Данко моз та ради позьө перйыны ассьыд сьөлөмтө да пестывны сійөс ярьюгыд биөн йөзлы пөльза вылө, а сэсся... сэсся сы бөрын көть мый лоас, абу жаль. Смертьсьыд сөровно он пышйы. А кувны кө,—не арсөв турун моз! Кувны кө,—ярьюгыда, геройөн!“.

Президиумын пуксялісны. Но регыд кежлө. Воис предложение бөрыны почетнөй президиумө ЦК Политбюроса членъясөс Сталин ёрт юрнуөдөмөн. И кажитчө, вы-

льысь вөрзисны заллөн джуджыд сводъясыс, выльысь юрöбтис музыка, сійöс вежисны овация, лозунгъяс...

Сэссия доклад, коді вöчсьö Красной Армия да Флотлы 24-öд во тырём кузя. Сталин ёртлөн докладын вайöдöм кывъясыс, кодъясöс сійö тарыт, некымын здук сайын на, висъталіс Москваын да транслируйтсисны став мир пасъта, содтисны йöзлысь тыр эскöм сöветскöй народлөн коварной враг вылын победаö.

„И абу ылын сійö луныс,—цитируйтис Сталинöс докладчик,—кор Красной Армия аслас могучöй ударөн шыбитас озверелöй врагъясöс Ленинград дінысь, весалас наысь Белоруссияса да Украинаса, Литваса да Латвияса, Эстонияса да Карелияса каръяс да сиктъяс, мездас сöветскöй Крым, и став сöветскöй му вылын выльысь мөдасны победнöя дöлавы красной знаменнаяс“...

— Тайö священной отечественной война вылас коми народ ыстис ассыс медбур пиянсö. Ми гордитчам коми народлөн пиянөн—Сöветскöй Союза Геройясөн—Кисляковөн, Оплеснинён, Марковён!

Зал тшöкыда тырлö аплодисментъяс шыөн. Кыпыдлуныс йöзлөн, кажитчö, век содö и содö...

Сэссия бара ворсыштис оркестр, и доклад помасьöм бöрын кыв сетисны Николай Оплеснинлы.

Трибуна вылö сійö воис тэрмасьтöг, физкультурной кокни походкаөн. Сувтис уверенной, кыкнан кинас кутчысис трибуна öтар-мөдарö, спокойной видзöдліс залö. Орччөн сулалысь вежоват абажура электролампа сылысь чужöмсö öні югдöдіс сідзи, мый тöдчис эськö быд чукур. Но синмад шыбитчымөн найö эз на вöвны. „Збыльысь портретыс вылын кодъ,—думыштис Витя.—Толькö тани ловъя. Синъясыс быттö сьöдджыкöсь, кымöсыс веськыдджык, юрсиыс пушкыракодъ.“ Дай Ленин орденыс, „Золотая Звезда“ медальыс вöліны ловъяöсь кодъ—дзирдалісны-ворсісны би югөр водзын. Тöдчис—неуна волнуйтчö. Но кодыр мөдіс сёрнитны, волнуйтчöмыс вошис. Быд кыв шуö думайтöмөн, бөрйöмөн. И йöзыслы кажитчис, мый позис эськö сёрнитны öйдöджык, тайö дженьыдик кадас висътавы унджык и висътавы ёнджыкасö ас йывсьыс, аслас геройскöй поступок йылысь.

Квайтсё, сизимсё морта зал быттö кынмис места вы-

лас, кывзѳ-нъылалѳ быд кыв, виччысьѳ, кор нин шуас кѳть ѳтиѳс ас йывсьыс. Кажитчѳ, ѳтнас фоторепортѳр ѳз интересуйтчы таѳн. Аслас „лейка“ аппаратѳн сійѳ ветлѳдлѳ сцена вывтѳ да газеталы фотографируйталѳ то президиумсѳ, то выступайтысьѳс, то залын пукалысьясѳс.

Герой Оплеснин висьталѳ сѳветскѳй народ йылысь, тыллѳн да фронтлѳн ѳтувъя олѳм йылысь, сѳветскѳй патриотизм йылысь, кодѳ петкѳдчѳ массѳвѳя быдлаын.

— И ещѳ ѳти изумительнѳй черта фронтса да тылса сѳветскѳй йѳзлѳн,—водзѳ висьталѳ сійѳ.—Тайѳ ѳти-мѳдныс вѳсна пѳся тѳждысьѳм, ѳти-мѳдсѳ пѳся радейтѳм. Фронт вылын меным лоис аддзывны сѳтшѳм серпасъяс, кодъясѳс сьѳкыд передайтны кывъясѳн. Бойяс вылын некутшѳм полѳм тѳдтѳм боецъяслѳн друг вазьѳны синъясыс нимкодълун синваѳн, кор найѳ лыддъѳны письмѳяс дзик тѳдтѳм, но общѳй делѳын матыса, рѳднѳй йѳзсянь.

Фактысь фактѳ, примерысь примерѳ вуджѳмѳн выступайтысь интересуйтѳ кывзысьясѳс. Но кывзысьяс чужѳмъяс вылын век жѳ тѳдчис ѳти вопрос. „Ас йывсьыд, мыйла ас йывсьыд он висьтав. Геройлысь нимсѳ ѳд тѳныд мыйыськѳ сетѳсны жѳ?“

И быттьѳ талы вочакыв пыдди ас йывсьыс сійѳ висьталѳ общѳя, дженьыдика да помалѳс кывъясѳн:

— Ме, ѳртъяс, шуда сійѳн, мый миян подразделениеса командование доверитѳ меным ѳти ответственной удж, кодѳс эськѳ ме моз выполнитѳ быд сѳветскѳй гражданин.

Скромностьыс, дерт, вѳли лишнѳйджык, но лѳсялана Оплеснинлы. Да и колѳ шуны, ошйысьлѳны сѳмын сѳтшѳмджык йѳз, кодъяс ас думсьыныс, общественинѳй положениелѳн ранг серти, сѳмын на коркѳ кѳсйѳны лоны не кѳ знаменитѳйясѳн, кѳть нин паськыда нималысьясѳн либѳ асланыс средаын неуна тѳдчанаджык йѳзѳн. Воображениелѳн тайѳ полѳтыс, лоны тѳдчанаджык мортѳн законнѳй кѳсйѳмыс, тѳдѳмысь, ортсѳ петкѳдчѳ ѳз быдѳнлѳн ѳткадя. Но и весиг сѳтшѳм йѳзлѳн, кодъяслѳн мѳвпъяс кутѳдыс слаб, знаменитѳйѳн либѳ тѳдчанаджыкѳн лѳѳм бѳрын ошйысян привычкаыс друг вошѳ. Желаниелѳн коркѳся звездаыс, код вѳсна, гашкѳ, сійѳ эз узылы войяс, ѳнѳ лоис бѳрѳ кольѳмторйѳн нин, казътыланторйѳн. Волятѳм, дзоляник сьѳлѳма йѳз тайѳ славанас, а гашкѳ и

дзюляник слава торна, ватаён моз, гартыштчоны да сідзи и шоммоны. А повтёмъяс да честнойяс бөрийоны желаниельсь выль звезда, сійос судзөдөм бөрын ещө выльос да ещө, и на вөсна тышсьыс аддзөны мичлун, а артмөм результатсьыс медся ыджыд доныс налы—народсянь благодарность.

Выступленияс бөрын заседание нимсянь лыддисны Иосиф Виссарионович Сталинлы письмө. Овацияө вужысь аплодисментъяс орисны оркестрөн „Интернационал“ ворсөм шыөн.

Суровыйось, „смирно“ позаын сулалисны йөз. Сөмын президиумса веськыдла флангас гөрд галстука нывка сулалис пионерской салют сетөмөн.

А ставмуыввса уджалысь йөзлөн гимн юргис ыджыд вынөн, чуксалис рабствоны паныд свобода вөсна, изуверствоны паныд человечность вөсна ён тышө.

Тайө кыпөдчөм мян
Медъён, медбөръя кось,
Интернационалөн
Став мирсө збоя босьт!

Нөшта дыр нюжалана овация, и председательствуйтысь тупкис заседание да висьталис, мый перерыв бөрын лоө художественной часть—концерт.

Йөзыс нель өдзөсөд мөдөдчисны петны, тэрмасисны то буфетнойө, то курилкаө...

Эз тэрмась Витя. Век балкон увсянь сійө корсис синъяснас Вера Ивановнаос, Юровос, мед коть ичотика юасьыштны налысь герой олөм йылысь. И кор аддзис корсянторъяссө, бытьө ненарошнө мөдөдчис найө бөрся.

ГЕРОЙЛӨН ЧЕЛЯДЬДЫР

Витялы везитө: Вера Ивановнаяс динө отувтчөма Коля Оплеснинлөн мамыс—Анна Ефимовна, да дерт жө мөдасны сёрнитны герой йылысь, мөд сёрни талун оз и вермы лоны. Мамыс Колялөн пелькиник тушаа, пиыс кодь жө сьөдов синкымъяса, но смуглөй чужөм вылас төдчис коркөся гөля олөмлөн да ыджыд шөгьяслөн следьяс.

И збылысь сьөкыд вөлі олантуйыс герой мамлөн.

Верөссө сылысь 1915-өд вои́н нуисны империалистиче-
скöй война вылө, да сийö мөд вонас жö и кулис висьöм
помысь. Коля сідзи и оз помнит батысь: сы сьöрысь
кольліс арджынъяөн. Сэтчö жö — вöв ни мөс, прамöй
керка ни карта.

И со öнi, тайö долыд лунъясас, минутаясас, Ефимов-
налы окота казътыштлыны сьöкыд важсö. Фойеын сула-
лысь кушетка вылө пуксьöм бöрын, сийö сьöкыда ыш-
ловзис:

— Бур йöз сорөн кызкö ещö быдтыссьылöма ассьым
öтка пиöс.

— Пасибö тэныд таысь, ыджыд пасибö! — орччөн пук-
сигмоз, татчö содтис Вера Ивановна. — Тэ сийöс не сöмын
быдтін, а аслад бур сьöлөмнад кужин воспитайтны ичö-
тысянныс благороднöй мортөн.

Тайö кадö кушетка вылө тшöтш пуксис Валентина
Петровна, а Юров да ещö морт-мөд колисны прöста су-
лалөмөн. Витя пыксьыштис кушетка спинка помö да быт-
тьö видзöдис шуксьысь йöз вылө, а збыльвылас зилис
кывзыны быд шуöм кыв.

— Ог тöд, сэсся... — шуис Ефимовна. — Ме öд негра-
мотнöй нывбаба... Но ог соссьы: öнi аслым кажитчö,
мый ме олі вöльнöй светас сöмын пиöй ради, сідз ме
сийöс радейтi чужөмсянныс, сідз ме радейтi! Кажитчö, и
карас овмөдчи аслам пи ради, мед сийöс сетны велөд-
чыны бурджык учителяслы, и вурсьöм помысь нажөви-
тыштöм сьöмторйöс зильлі унджык торйөдны муса пиöс
пасьтөдөм да вердөм вылө... Сэсся, видзөдтö, и сөветскöй
властьыд ёна отсаліс ми воклы... Да кысь нин эськö, не
кö сийö, кысь нин...

— Тайö дзик вернö, Анна Ефимовна, — шыасис Юров. —
Сөветскöй нэмыд ми воклы збыльысь лоис помасьлытöм
шондіа лунөн. Пионерия, комсомолия, кыпыд да югыд
школаяс, лабораторияяс, муса учительницаяс, — ставыс
миянлы.

— Помнита первойя лунсö, кор менсьым Коляöс при-
митисны детсадыö, — кызкö торъя кыпыда мөдiс висьтав-
ны геройлөн мамыс. — Сэк сылы вöлі вит ар. А быдмигас
сийö миян раминик вöлі дай жебиникөн кажитчис. Мися,
тэ эн пов, Колюш, эн пов. Со тані кутшöм гажа! Мыйта
тэ кодьыс! Мыйта ворсанторйыс! Сийö сэки нинöм эз

вочавидз. Толькө синъяс сертиыс тӧдчис, мый сылы зэв нимкодъ. Эз вӧв ышмысь быдмигчӧжыс, ни эз водзсась-лы ас кодьясыслы. Сійӧс мукӧд дырйи ӧбижайтӧны, а сійӧ оз водзсась... И со жӧ ӧд кутшӧм ненога овлан мамыд. Коркӧ ӧтчюд менам пиысь чужӧмсӧ вирӧдз парсалӧма суседлӧн нывкаыс. А водзӧс мынтӧм пыдди сійӧ сувтӧма телеграфнӧй столб динӧ дай сывъялӧма столбсӧ, мед водзӧ оз парсавны. Менам сьӧлӧм сідзи и ёнтӧ. Тэ нӧ, мися, пиӧй, мыйла сетчан быдӧныслы, мыйла он водзсась? И тшӧкті кучкыны тайӧ нывкаыслы шатинӧн. Батыс нывкаылдӧн давай пинясыны. Мися, мыжаыс таысь ме, ме тшӧкті ӧтиысь кучкыны, тадзи колӧ меным, мамыл...

А сэсса видзӧда дай, пиӧй менам тӧвъяснас зэв ёна мӧдӧс радейтны конькияс, лыжияс. Ме нин радсыс-рад. Кӧмкоттӧ лӧсьӧдла ӧтипӧлӧсӧс, мӧдпӧлӧсӧс. Мед толькӧ сылы вӧлі лӧсьыджык да гагаджык. Но велӧдӧм йылысь некор эг вунӧдлы. И мыйсяма нин морт сійӧ миян, мыйсяма характер сылӧн. Делӧыс вӧлі керканымӧс стрӧитӧгӧн нин. Сьӧмӧй бырис дзикӧдз, и овны некӧн. Ме зэв ёна шогся. А менам пыд и шуӧ. Эн пӧ шогсы, мамӧ, ме пӧ отсала. Мыйӧн нӧ, мися, тэ, дитяӧй, отсалан. Менам пӧ кассаын сто рублей эм. Ме и шӧйӧвоши: чӧвчӧв, мися, кысь нӧ тэнад сы мындаыс. Эм пӧ. И висьталӧс, кытысь сылӧн тайӧ сьӧмыс. Мороженӧй вылад пӧ тэ меным сетавлӧн? Сетавлӧн. Праздникъяс дырйи кампет вылӧ да мый да сетавлӧн? Сетльвлӧн. Но ӧд, шуа сылы, ме ичӧтикаӧн сетавлӧ. А ме пӧ тайӧс эг ӧти воӧн и чукӧрт. Уна во пӧ чукӧртӧ. Бӧрдӧ, веськыда бӧрдӧ нимкодӧйла. Бӧрдӧ и сы вӧсна, мый менам пиӧй воясӧн, позьӧ шуны, ылӧдлӧма менӧ. Ме сылы сета мороженӧй вылӧ, а сійӧ гусьӧн нуӧ сберкассаӧ. Меным пӧ, мамӧ, зэв окота велӧдчыны и водзӧ да та вӧсна и чӧжи сьӧмсӧ некымын во нин. Со ӧд сійӧ миян кутшӧм.

— Ме сійӧс, Колятӧ тӧянлысь, тӧда 1925-ӧд восянь,— босьтӧс кыв Валентина Петровна, кор нин Анна Ефимовна помалӧс.— Тайӧ вӧлі вторая ступень школаын. Ставыс син водзын. Школаас пырны экзамен сдایتӧм бӧрын чукӧртчим I классӧ. И медся первойтор, мый помнитчӧ Коля йылысь,— сійӧ сылӧн скромность. Прӧстӧя, но аккуратноя пасьтасьӧм сьӧд синкымъяса детинка мыйыськӧ быттьӧ полӧс, ӧтдортчис дурысь детинкаысысь, но и эз ӧлӧд

найӧс. Ми сэки вӧлім посниӧсь на да уважайтім сэтшӧмъясӧс, кодъяс вӧліны ласковджыкӧсь миян дінӧ. Ог тӧд, корсянь тайӧ заводитчис, но регыд мысти сійӧ миянлы, нывкаяслы, лоис бур ёртӧн. Подкупайтис сылӧн скромностьыс, велӧдчӧм дінӧ серьёзностьыс, ёртъяслы сьӧлӧмсяныыс пыр отсавны зильӧмыс. Мӧд велӧдчан онас сійӧ заводитис нин лоны общественникӧн. Некор оз вунны торъя серпасъяс тайӧ велӧдчан кадысь.

Босьта уна пиысь ӧти лун, кодӧ кольӧма вежӧрӧ ясыджыка, тыдалӧ, кукла ради.

Ми сэки велӧдчим нето коймӧд, нето нельӧд классын. Гырысьӧсь нин вӧлім.

И вот. Сійӧ асылӧ пӧдругакӧд воим школаӧ жугыльӧсь. Эз ло выполнитӧма кык гортса задание. Ӑтиыс вӧлі кукла, кодӧс кӧсйысьлім затейник кружокса ёртъяслы, да нинӧм эз артмы, а мӧдыс математика кузя примеръяс, кодъясӧс эг эштӧй решайтны злосчастнӧй кукла вӧсна. „Но кӧні талун Коляыс? Мыйла сы дырна абу воӧма?—сэк костӧ думайтам асьным.—Колӧ мездысьны кӧть ӧти позорсьыс, юавны Колялысь математика кузя, кызкӧ ӧдйӧджык решитны, а удайтчас кӧ и гусьӧник перепишитны“.

Котӧрӧн кайим вылі судтаас. Паркетнӧй джоджа паськыд залын котралӧны-дурӧны детинкаяс, варыш гыж улын моз чирзӧ кутшӧмкӧ нывка. А Коля—абу. Ми—классъясӧд. Восьтам ӧдзӧс, и асьным полам. Миянлы кажитчӧ, мый миянлысь думъясьнымӧс ставыс нин тӧдӧны. Весиг быттӧ классъясыс нарошнӧ югыджыкӧсь, дай гырысьджыкӧсь сідз нин гырысь ӧшиньясыс...

Звонокӧдз колисны минутаяс. И друг аддзим Оплеснинӧс. Сійӧ мунӧ тэрмасын походкаӧн залтӧ ӧшӧдны зэв ыджыд, уна краскаӧн гижӧм ӧбъявление. Тайӧ вӧлі, позь шуны, не сӧмын ӧбъявление, но и художникӧн выполнитӧм картина. Ӑбъявляенилӧн заголовок выліас ӧтар джынъяс рисуйтӧма вӧрлэдзӧм удж, а мӧдарас пионергорнист чуксалӧ сбор вылӧ пионеръясӧс, школьникъясӧс. Сэсся увлань лӧчисны ещӧ рисунокъяс, кодъяслысь детальяссӧ бура ог нин помнит, а помасис сійӧн, мый самӧй улиас нин дась сортӧвӧй керъяс киссьӧны капиталистъяслы дон плешъяс вылас. Кывйӧн гижӧм содержаниеыс и картинаыс чуксалісны школьникъясӧс мунны

вөрө ликвидируйтны вөрлэдзөмын прорыв, коді артмавліс сійө воясө пөшти быд тулысьядор.

Школьникъяс чукөртчисны обявление дінө, ланьтісны. Оплеснин өтортчыштис бокө и зэв сюся мөдіс видзөдны школьникъяс чужөм вылө, тыдалө, көсйис төдны, кутшөмджыкөн кажитчас өртъясыслы сылөн художественнөй творчествоыс. Недыриник видзөдыштис и шпыньмунис аслыс. „Артмөма, сідзкө“. Ми пөдругакөд шпыньмунім жө, но эг сы вөсна, мый Колялы долыд, а чайтім—та бөрын сійө мунас татысь, и ми сяммам сылысь юасьыштны задачаяс кузя. Толькө эз ло тадзи. Сэк кості татчө воис комсомольскөй организатор да некымын кыв висьталөм бөрын востіс список мунны вөрлэдзан удж вылө.

— Коді первой?—юалис сійө.

— Менө гиж!—бытьтө водзвыв нин дасьтысьөма, первойя мортөн шыасис Николай Оплеснин.

— Та-а-ак! Водзө.

И гижсьыны мөдісны панъясьөмөн.

— Менө тшөтш!

— Ещө менө гиж!..

Некымынөн гижсисны и нывкаяс пөвстысь. Но, а гижсис кө Оплеснин Коля, дерт нин, и ми эг зевайтө. Толькө вот жаль сійө, мый, кылө, сетісны нин звонок, и миянлы лоис пырны классө решиттөм задачаясөн.

Сьөкыд вөлі пукавны математика урок вылын, но ещө сьөкыд овлө сэк, кор төдан, мый и мөд урок вылын ковмас ещө өна гөрдөдлыны. Перемена вылө ми петім классысь сэтшөм жугыля, бытьтө збыльысь мыйкө лоөма страшнөйтор. Йөз дінсьыс торйөдчим и сулалам өшинь дорын.

— Эх ті!..—друг кылім мышкысь миянөс көритысь гөлөс. Ми тэрыба бергөдчыштім. Төждысяна чужөма матыстчө миян дінө Коля.—Зазнайкаяс. Он көсйө юасьны өртъясныдлысь.. Позоританныд дзонь класснымөс. Тадзинад ті төданныд..

И эз помав: аддзис миянлысь доршасьысь синванымөс.

— Сэтшөм өмөй сьөкыдөсь кажитчисны примеръясыс?—здук мысти нин юалис ласкова. Но миянлы вөлі сэтшөм яндзим сыысь, мый ми вочакыв пыдди бергөдчим өшиньлань.

— Кызд кужанныд... Абу нин ичөтөсь,—косапырысь шуис Коля да миянлань бергөдчывтөг мунис мөдлаө.

Тайө вөлі виччысьтөмторйөн сысянь, и ми муртса кутчысим, мед не вөтчыны сы бөрся да висьтавыны мыйын делөйс.

Толькө тай миян висьталөм сылы эз на и ковмы. Ставсө гөгөрвоис изо урок, вылын, кор преподаватель мөдис юасыны, кодлөн пө артмисны кукляяс.

Пөдругакөд ми пукалим сэтшөм ногөн, быттьө вөчим збыльысь ыджыд мыж, өд некымын лун сайын на ми көсийсим став класс водзын вөчны тайө кукляяссө, мед выступайтны наөн кукольной театрын моз, и эг пөртө олөмө асьыным көсиймнымөс.

Ми видзөдам увлань, а став асланым виръяйөн сідзи и кылам, кызди видзөдө миян вылө Оплеснин Коля да шпыньялө.

— Кодлөн нөшта вөчөма?—сэк кості юасьө преподаватель.—Тэнад, Оплеснин, вөчөма абу?

Коля сувтіс парта сайысь да перйис кукла. Сылөн поведениеыс шензьөдис миянөс. Өд ставыс нин, кодлөн вөлі вөчөма, уджсө сетісны важөн да асьнысө чувствуйтөны „геройясөн“.

— Мый нө тэ нинөм он шыав?—содтіс преподаватель. Коля нюммуныштис, видзөдліс миян вылө да спокойнөя вочавидзис:

— Вөчөмтортө позьө сетны и бөрынджык.

Тайө сылөн вөлі тонкөй ирония, кодөс ми, кык пөдруга, зэв бура гөгөрвоим.

— Да-а-а!—татчө нюжөдыштис Юров.—Миян затейникалөмыд некор оз вун. Мыйта инициатива, изобретательность!

Юров, тыдалө, мыйкө йылысь көсийс висьтавыны ачыс, но Валентина Петровна эз лэдз сійөс сёрнитны.

— Мый нин шуны,—бөр мырддис сёрнисө сійө.—Окота и казтыштны. Тайө вөлі зэв ыджыд агитационно-массовөй да культурно-политическөй удж карын и сиктын, вөрлэдзысьяс и кылөдчысьяс пөвстын, рабочөйяс и крестьяна пөвстын. Миян затейникъяс удж йылысь эз өтиысь гижлыны газетаясын, журналъясын, весиг центральнойясын. Тайө уджас Коля Оплеснин—медся активнөй участник.

Валентина Петровна сэсса видзёдліс ручнэй часі вылө, фойейн шуксысь йөз вылө, Витя вылө, коді кывзиг-мозысь аслыс төдтөг копыртчөма лишнөйджык да лола-лө сылы пеляс, и заводитіс:

— Шоча овлө татшөм асылыд. Лым чарөмыс—көть вөлөн вартөдлы. Кынкос, донвидзысь воздухыс дельөдіс нырбордьястө, алөй краскаөн краситіс чужөм дзибьястө, кокньөдіс тушатө, а Эжва мөдлапөвса помтөм вөр сайсянь век вылөджык кыпөдчис да паськыдджыка өзтіс сынөдсө, небесасө сөстөм ыджыд шонді. Мышьяс саяным вель ыджыд нопьясаөсь, коді красноармейскөй шлема, коді шапочкаа либө шалля, веськыда Эжва кузя чарөм вывті ми мунім антипасхальнөй программаөн. Миянкөд тшөтш вөлісны учительяс—биолог, литератор да затейникьяслөн друг да организатор—изо предмет велөдысь. Первойсө мунім гажаа, кокниа, дуригмоз. Тадзи Слөбө-даөдз. А сэсса... сэсса кодсюрөлөн нопьясыс мөдісны сьөктаммыны, шальясыс разьясны, серамныс кусны,—нывкаяс мудзисны; заводитісны мудзны и детинкаяс пөвстысь. Но Коля эз мудз. Сійө быттө наршнө лоис визувджык да сөрниаджык, быдног зілис гажөдны миян-өс, отсаліс нуны миянлысь нопьяснымөс. „Этша кө вынныд, шуө сійө, колө кужны хранитны, колө вөлі кутны төдвыланыд верст лыдсө дай сійө на, мый тарыт миянлы ковмас выступайтны“. Төдөмысь, тайө велөдөмыс сэк кежлө вөлі сөрьяджык нин, но мөд раз кежлө зэв туяна, да өнөдз на со абу вунөма, мый колө кужны видзны асьыд вынтө.

Помнита, нелямын километра вөлөктө подөн вуджөм бөрын збыльысь вөлі окота унмовсыны сөйтөг-ютөг, пөрчысьтөг. Шомаөсь, колө чайтны, сэк вөліны миян чужөмьясным, кевмысянаөсь мудзлунөн тускасьштөм синьяс. Но клубө чукөртчисны нин зрительяс, и колө вөлі тайө йөзсө мырддыны „ыджыдлунлысь“, вичколысь, тышкасьны религиякөд, кулакьяскөд, мирөвөй буржуазиякөд.

Ми важөн нин дасьөсь—„театральнөй“ паськөмаөсь, гриммаөсь—шөйтамө восьтытөм занавеса сцена вылын, сцена сайын, а занавес мөдарас, залладорас, резина моз нюжалө антирелигиознөй доклад. Учительяс научнөй фактьясөн бомбитөны религиялысь авторитетсө, туман-

нõй картинаясõн тõлõдõны йõз вежõрысь енлы эскõм кузя нэмõвõйся дурмансõ. И лõнь залыс, и докладчик-лõн рõвнõй гõлõсыс, и картинаяс петкõдлõм ради пõшти пемыдыс торъя нин синисны джодж бердõ мянõс. Мудз „артистьяс“, вõли унмовсялам тõдлытõг. Коля шуткаясõн пестõ мян пõвстын олõм би. Мукõд дырйи сийõ ветлас зрительяс динõ да воõм бõрас мыйкõ висьталас сэтшõм-õс, мыйысь ми вак-вак серõктам.

— Тõданныд мый, ребята, — кызкõ таинственнõя заводитас висьтавны сийõ, и ми чошкõдам пельясны-мõс.—Миянõс видзõдны воõма тшõтш пõрысь-пõрысь старука, тыдалõ, вичкõõ пыдди. Да õти интереснõй места видзõдиг кыз тай шуас гораа „господи помилуй“, — став залыс сидзи и ызнитис-серõктис.

А ми сералим Коля вылõ, сийõ висьталõм вылõ.

5 4624
Доклад помасьõм бõрын, кор выступайтны очередьыс лоис мян, ми бõр ловзим. Петкõдлим антирелигиознõй пьеса, кõни ворсысьяснас, кызд помнитсьõ, вõлины енлы эскысь мам, сылõн пи безбожник да кулак, кодì виõ тайõ том мортсõ. Сцена вылын представитим сиджõ папа Пийõс, кодì вõли сәки буретш обявитõма Сõветскõй Союзлы паныд крестõвõй поход. Коля ворсис буржуй-лысь роль.

Ставсьыс таысь зрительяс мянлы мынтисны аплодис-ментьясõн, всеобщõй уважениеõн, — и тайõ вõли донажык ставсьыс.

Аскинас бõр мунны карõ мянлы отсалисны вõв сетõмõн. Унаõн эз чечывны доддысь, а Коля Оплеснин эз и пуксьыв.

Вына, ыджыд сьõлõма да честнõй вõли Коляыд быдмигас нин.

— Но лишнõй скромнõй, — татчõ содтис Юров. — Тайõ, дерт, абу ыджыд тырмытõмтор, да век жõ унаысь ковтõм.

— Кутшõм õд скромность, — шыасис õнõдз на чõв олысь Вера Ивановна. — Вуджõ кõ сийõ мнительностьõ, — дзик ковтõм. Тайõ весиг ыджыд тырмытõмтор. Мнительностьыд, асьтõ увтыртõмыд дезорганизуйтõ мортылысь волясõ. Асьсõ увтыртысь мортыд мыйкõ колантор, выльтор вõсна тышкасьõм пыдди асьыс вынсõ видзõ аспытшкас сомнениеяскõд тыш вылõ... Кыз шуасны, пуõ

ас пöртяс и гырысь гыс вöчны оз вермы. Колялөн скромностьс абу татшöм. Сылөн творческой скромность, кутшöм овлö самостоятельной, серьёзной йöзлөн. Тöда ме сийöс ичöтысянныс, а медясö строительной техникумын велöдчигас.

Тайö вöлины 1930—1933 вояс, кор Сталин ёрт тшöктöм серти большевикъяслөн партия да сöветской власть первойысь на дорисны красной специалистъяслысь гырысь отрядяс. Вильён на котыртöм техникумлөн тöдöмысь унатор эз тырмы, а медясö учебной пособие. Коля Оплеснин петкöдлис став ассыс творческой вынсö. Медводз бура кывзас. Мый висьталан урок вылад—надейтчы, сылөн ставсö гижöма. Но тайö этша. Виль материалтö колö усвоитны. И сийö заводитö обрабатывайтны ассыс записьяссö да вайöдö совершенствоöдз. Сылөн белöвой тетрадьясыс студентяс пöвстын классас вöлины учебникъясөн. Сийö постоянной ударник. А техникумсö помалис медя буряс пöвстас первойя мортөн—получитис диплом грамотаөн. Тайö вöли олём да уджалём вылö путёвка, код вылö гижöма кывьяс: „Ло стойкой борецөн социализм стрöйтöмын“.

Вера Ивановналысь сёрнисö ордис первойя звонок. Йöзыс öдийö мöдисны пыравны зрительной залö, тыдалö, быдöнлы окота пуксыны матöджык сцена динö. Сувтисны и кушетка вылын пукалысьяс. Но Витя эз на кöсйы, мед татшöм водз орис тайö сёрниис. Сийö юалис инженер Юровлысь, кодi неуна кольччыштит нывбабаясысь, оз-ö сийö висьтав Оплеснин йылысь мыйкö ещö.

Витя вылö Юров видзöдлис мудера шпыньмунöмөн да юалис:

— Ёна интересуйтчан?

— Торья ёна эськö, гашкö, и ог,—нестöча вочавидзис Витя,—но тöдны сийö олём да удж йылысь окотакöдь.

— Дзик верно,—ошкыштит Юров да залö пырысьяс вылö видзöдлём бöрын аслыс моз содтит:—Мый нö эськö тэныд ме висьтала?

Витя видзöдлис кушетка вылö да тайөн быттьö первой висьталис Юровлы, мый колö бөр пуксыывны. Юров тайöс гөгөрвоис, пуксис.

— Шуам, велöдчöмсö помалигас пöлучитис диплом

грамотаён,—пуксигас нин шуис Витя.—А сэсса мый? Көть дженьыдика.

— Но вот, значит, помаліс стрóйтехникум. А колó шуны, техникумлөн тайó вóлі первойя выпуск, специалистыд колó быдóнлы, торъя нин бурджыка помалысьясыд, веськыда вóлі мырддысьоны, и медся ёна Проектной контора. Юалісны Колялысь, кытчó сійó желайтó. „Рабочойяс дінó, производство вылó“, вочавидзис сійó, и 1933-òд вося сентябрь тóлыссянь 19 арóса том морт, комсомолец, мóдис уджавны Горстройин десятникон, стрóитны специалистъяслы керкаяс. Тóдан, колó чайтны, тайó керкаяссó, каланча дорынóсь, зэв гырысь, удобной квартираяса керкаяс?

— На пóвстысь óтиын ме ола,—вочавидзис Витя.

— Сійó и эм... Та-а-ак... значит, рабочойяс дінó пó, производство вылó. А ме и думайта: „Видзóдлам, мый артмас тэысь. Тані óд абу чертёжъяс дорын пукалóмыд, ловъя йóзкóд ковмас имеитны делó, опытной рабочейясыд тэнó, детинкаос, мóдасны-ó пуктыны пыдди“. Татшóm сомнениесон менам кольó тóлысь, мóд, коймóд. Но, видзóда—ничево, справляйтчó. Интересуйтчыны мóдї ёнджыка. Муні óти асылó стройка вылó водз, час квайтын кымын, мед занятие вылó мунтóдз удитны видзóдлыны, корджык воасны рабочойясыс да мыйсянь заводитасны, а сэсса корджык воас налөн начальникыс да мый мóдас вóчны.

Гөгóр шынитóв. Кыпóдча керка струб вылó и помтóm вежóсьясыс вылó видзóдómон радуйтча. Со óд, мися, кутшóm короминаяс мóдím стрóитны квартираяс улó, мыйта йóз мóдасны овны óти керка вевт улын. Коляс ещó некымын тóлысь, и тані мóдас сулавны ортсысяньыс и пытшкóссяньыс тшóкóтуритóm, ыджыдсьысыдждыд керка. Рытъясын óшинь радъясыс друг óзъясны яръюгид электричество бион, и еджыд прошвиа занавескаяс пыр югид жыръясас мóдасны тыдавны шуда да гажа семейной олómлөн вуджóръяс. Тадз думайта ачым, а пельó, кылó, воис нин тóдса гóлосыс Колялөн.

— Ставыс, ёртъяс, миян сайын,—кылó, шуалó сійó.— Ог подкачайтóй. Ударной кад—ударной стройка!

— Но, дерт жó!

— Миян сайын оз ло!

— Шуим—лоо вочома!—кылö, вочавидзисны гөлöсьяс. Ме чуйми. „Мый тайö? Неужели найö танöсь нин?“ И эг эшты лэччыны улö, кызд подмостокъяс вывті мöдiсны кайны вывлань чера йöз. А на водзын—десятник Оплеснин. Сійö менö аддзис улисянь, шпыньмуниc.

— Мыйкö водз садьмöмыд талун?—эг ме, а сійö жуалиc менö, кор нин киасим.—Интересуйтчaн, тыдалö, миян уджөн?

Сійö сёрниогсьыс мем кылиc ирония, но ме быттö тайöс эг гөгөрво да видзöдлі часі вылö.

— Мый торъя водзыс: сизимöд час. Часөн-джынийөн бöрын заводитчас уджалан лун.

Тайö здукас рабочöйяс заводитiсны уджавны, и Коля радпырысь мем вочавидзис.

— Вернö. Тэнад уджö босьтсьытöдз ми, пöжалуй, удитам на процент кызьвит-комын выполнитны лунъя норманымöс.

Öти-мöднымлы боксуйтыштöм бöрын ми торйöдчим.

Радейтiсны сійöс, канальöös, рабочöйясыд. Радейтiсны и администрация и партийно-комсомольскöй организация. Первойöд номера Сыктывкарскöй постройком 1934-öд вося май первойя лун ним кузя сійöс, кызди стройучастокса медся бур ударникöс, премируйтö нин Грамотаөн. А сэсся премируйтсьö пöшти быд революционнöй праздник ним кузя. Горстройбердса комсомольскöй организация сійöс бöрийö комсоргөн. Коля тшöтш пропагандист, уджалö стенгазетса редколлегияын. Кызди и водзті, дугдывтöг занимайтчö физкультурaөн.

А Проектнöй конторалөн вежыс петö. Сійö не öтись кыпöдлö вопрос босьтны аслыс Коля Оплеснинöс. И 1935-öд вося июнь тöлысьын Проектнöй конторалы удайтчö, кызд шуöны контораса работникъяс, мырддыны Коляöс Горстройлысь. Энергичнöй да талантливöй специалист и тані уджалö ассьыс вынсö жалиттöг. Тöлысьджын мысти нин сійö назначайтсьö проектировщикөн, а сы бöрын регыд выдвигайтчысьö проектнöй секторса старшöй техническöй руководительөн. Сы улын кызь морта техническöй аппарат. И тані премируйтсьö неötчид. Проектъяс да сметаяс бура разработайтöмысь Коми областнöй государственнöй проектнöй контора 1936-öд воын сійöс, кызди медбур ударникöс,

награждайтö Грамотаөн. А тодан мыйта Грамотаыс да Дипломыс сълөн öнi кежлö? — друг юалис Витялысь Юров да ачыс жö вочавидзис.—Уна. Тайö лунъясö на ме видлалi сылысь альбомсö да лыдди квайт Грамота да вит Диплом. Сыысь кындзи ударниклөн некымын книжка, отзываеть, поощренияс..

— Квайт Грамота да вит Диплом?!—шензываеть Витя.

— И тайö сълөн абу на ставыс, другö,—шуис инженер.

Витя, кажитчö, эз кодь эскы. Но и не эскынысö эз кöсйы. Гашкö и збыль. Та вöсна и сийö эз сяммы другсö сетны вoпрoссö. А кор аддзис, сетисны мöд звонок. Юров чеччис кушетка вылысь.

— Пырны, зон, пырны колö,—шуис сийö.

— Энлы,—чеччигас жö шыасис Витя.—Тэ эн на висьтав сы йылысь, мыйысь сетисны Оплеснин Коляыслы сы мында Грамотасö да Дипломсö. Юров дружескöя лапкöдыштiс Витяöс да залö пыригөн нин шуис:

— Та могысь, пиö, колö тодны Коляöс, кыдзи физкультурникöс.

ФИЗКУЛЬТУРА—МÖД СПЕЦИАЛЬНОСТЬ

Концерт вoссис Сталин йылысь песня сълöмөн. Красноармейскöй паськöмö пасьтасьöм хорса участникьяс сулалисны паськыд сцена пасьтала кык-ö-куим радөн да, кажитчö, видзöдтöг аддзисны хорөн руководитысьлысь быд движение, быд жест, кодьясöс сийö вöчалiс кинас налы. Öтувья гөлöсыс вöли вына, дружнöй, и Витя гашкö первойысь на аслас нэмын прочувствуйтiс песняö гижöм прöстöй кывьяслысь татшöм мичлунсö да муртавыны позьтöм вынсö, кодьяс чуксалöны мортöс тышö, геройскöй поступокьяс вылö.

Öти бöрся мöд вежсьöны номерьяс. Найö интереснöйöсь, вевтыртöны бокöвöй думьястö. Но друг выступайтö военнöй паськöма жö öти солист кутшöмкö любовно-сентиментальнöй песенкаөн. Зрительяс первойысь на аплодируйтöны коса, быттьö трачкöдчыштö сотчигас уль пес. Эз лöсяв тематика сертиыс, дзугис рытыслысь тонсö. Тайö кыдзкö друг слабмöдiс интерессö и Витя-

лысь. Вежорас выльысь пузласьоны думъяс герой йылысь. Оз сетны овны бөръя кывъясыс Юровлөн. И сійö аслыс шуалö: „Тан, колö чайтны, медся главнöйыс и эм. Ме тöдмала, дзик ставсö тöдмала герой йылысь. И сылөн физкультура йылысь тöдмала“.

И со бара перерыв, выльысь шуксьоны йöз, Витя бара кывзö висят Юровлысь. Öнi сöмын сылысь. Сыысь озджык пов, поэяс юасьны. Найö кыкөн, пукалоны важ местаас.

— Физкультураыд сылөн,—заводитис Юров,—мöд специальность. Физкультурник сійö ичöтысяньыс. Тайö физкультураыс и отсалис сылы лоны героинас.

— Гөгөрвоа,—öддзöдö висьталысьöс кывзысь.—Но кызджык тайö вöли?

— Вöли сідзи, мый вторая ступень школаын велöдчигас на соревнованиеяс дырйи миян пöвстын сійö босьтавлис первойя местаяс, а 1932-öд воын нин сійöс, кызди медбур физкультурникъяс пöвстысь öтиöс, бөрйöны физическöй культура кузя Коми областнöй Бюро президиумса членö кандидатөн. Физкультура кузя аслас бур результатъяссыс и пöлучайтö сы мында Грамотасö да Дипломсö.

Сійö пöшти быд соревнованиеын, спартакиадаын участник. И абу поэянлуныс висьтавны став йывсьыс. Сувтла сöмын некымын момент вылö.

1936-öд вося февраль. ВЛКСМ X съезд честь кузя котыртчö лыжнöй переход Сыктывкар — Архангельск маршрут кузя. Комсомоллөн Коми областнöй организация тайö ответственной да почётнöй задачасö успешнöя олöмö пöртöм могысь бөрйö Коми областьса медся бур лыжникъясöс. Команда вит мортысь. Командир—Николай Оплеснин. Некор оз вун стартыс. Тайö вöли февраль 9-öд лунся рытö. Лыжникъясöс колльöдоны Комсомоллөн Областнöй Съездывса став делегатыс, колльöдоны карса томйöз, челядь и пöрысьяс. Керкаясянь югдöдöм 40 градуса кöдзыд воздух руалö помтöм йöз ловшыысь, юргöны музыкалөн меднöй звукъясыс. Физкультурникъяслы напутственной кыв дженьыд.

— Ми долженöсь и ми быдтам рабочöйяслысь да крестьяналысь дзоньвидза да олöмсö радейтысь выль поколение, кодъяс нöшта вылöджык лэптасны Сöветскöй

страналысь вынйёрсö, — висьталöны трибуна вывсянь. — Ми надейтчам, мый тi, ёртъяс, оправдайтанныд мянлысь доверие, петкöдланнуд ассьынд да тайöн и став Коми комсомольскöй организациялысь боевöй дух, выносливость да Рöдинаöс дорйыны дасьлун.

Вочакывйöн выступайтö командир Николай Оплеснин. Сылöн ставыс сьёрсыйс — киас лыжи пара, мыш саяс дзоляник котомка. Йöзыс сулалöны воротникъяс сайö дзедьсьöмön, а сийö свитера да вывтйыс физкультурнöй костюма. Шоныд гынсапöгъяс пыдди кокъясас — пьексы-ботинкияс. Кывъяс чёткöйöсь, физкультурнöйöсь. Киас-лөн движение решительнöй. Съодов синъясас ломалöны нимкодъ да ас вынлы эскöм. Бөръя кывъяс шуавсьöны, кызди клятва.

— Команда нимсянь ме благодарита тiянöс доверие-сьыд. Ленинскöй комсомоллысь тайö ыджыд довериесö кöсьысям оправдайтны честьöн!

Нöшта музыка, и 21 час да 35 минутаын стартёр öвтыштö гөрд флажокön. Старт сетöма.

Колö мунны 1038 километр.

— Бур туй тiянлы, ёртъяс!

— Бөр локны победаөн!

— Энö подкачайтöй!

Пятёрка кокниа исковтö лыжи вылын уличати, а сяс-ся вошö квартал сайö, төвся вояс. Заводитчис лыжнöй переход.

Эжва паныд дуньгö рөвнöй, кöдзыд ру сора рытыв-войса төв. Быд лун сийö, кажитчö, ёнмö, сьöктаммö. А февраль 13-öд лунö кöдзыд содö 45 градусöдз. Веж мороз лыйлö лэбигас катша-ракаöс, туй йöзлысь чегъялö заверткаяссö, асьныссö котрöдлö тулупön; сиктъясын таркөдö кöрт бедьнас стенъясö, мед олысьясыс оз вунöдны содтавны пессö ичöt пачьясас. Сийö оз эновт и лыжникъясöс. Налысь топöдö кокъяссö, мед пьексы-ботинкияс пыр курччыны кокчуньяссö, дзоньнас кокъяссö; бергалö физкультурнöй костюмъяс гөгöрыс, пöдтö ловгоршьяс-сö; белилö помазокнас зильö мавтыштны кöдзыд биөн ломалысь чужöмъясö...

— Лоны осторожнöйөн! Не сетны кынтыны ки-кок-нытö! — кадысь кадö уськөдлö тöдвыланыс ёртъяслы командир.

— Эм не сетчыны кӧдзылды!— вочавидзӧны лыж-
никъяс.

Мукӧд дырйи тайӧ сёрниыс вежсьывлӧ любезной
отсӧг сетӧмӧн. И сӧки шуткаяслы абу помыс.

— Разрешитӧй, пӧжалуйста, ухаживайтыштны Тiян
бӧрся,—первой заводитас кодкӧ ӧти, кор аддзас едждӧ-
дӧм чужӧм дзибсӧ ёртыслысь.

— Зэв ыджыд аттӧ, муса друг,—вочавидзӧ сiйӧ,
лыжи бедъяс вылас пыксьыштигмоз.—Сӧмын энӧ вунӧ-
дӧй висьтавны, кор помаланнуд менӧ краситны. Тiян
рожабаныд еджыд дӧмаса жӧ.

— Ах, сьӧлӧм косътысь, Тiян жаргоныд вывти некуль-
турной... Толькӧ нӧжйӧджык, пӧжалуйста, куыс мед оз
торъяв.

— Нинӧм, нинӧм, мадам фру-фру, выль быдмас... Ме
тэд шуи, мися, омӧля зыралiн спиртнад асывнас.

— Ах, кутшӧм тэ нӧш, донаӧй... Ме сiйӧс кранита
рыт кежлас тэныд внутренней лекарство пыдди... Толь-
кӧ тэ, кажитчӧ, лишнойджык старайтчан... Миянӧс ко-
лисны.

Мусукасьысь гоз та бӧрын йӧткыштчӧ бедънас, вӧ-
тӧдӧ ёртъяссӧ. А лыжи улын лымйыс дзижгӧ, дзижгӧ...
Колис нин Емдiн, Яренск... И друг, быттьӧ нарошнӧ,
кӧдзыд вежсьӧ пургаӧн. Оз позь восьтыны син ни пель.
Но лӧньӧм виччысьны некор. Колӧ мунны и мунны,
колӧ вермыны ставсӧ.

— Ничево, ёртъяс. Бур погоддӧ дырйиыд, шуӧны,
весиг испанскӧй маркиза зонтиктӧг ветлӧ,—шмонитӧ
Николай Оплеснин.

— Мый нин баитны,—содтӧ мӧд.—Бур погоддӧ
дырйиыд и миян командирлы гажтӧмджык.

— Энӧй сёрнитӧ. Миянлы везитӧ. Кымын лӧк по-
годдӧ, сымын пӧся йӧзыс встречайтӧны миянӧс узян-
инъясад.

Ставыс сералӧны и... исковтӧны водзӧ.

Сэсса прӧйдитiс нин Котлас, бӧрвыв колисны Север-
ной Двина пӧлӧн дасъясӧн сиктъяс, вӧлӧстьяс. Важӧн
нин лӧньлис пурга, матыстчӧны Архангельскӧ. Ӑти узян-
инын командир вӧчалӧ медбӧръя расчӧтъяс.

— Колис 269 километр,—ёртъясыслы объвляйтӧ
сiйӧ.—Юка куим лун кежлӧ. Февраль 22-ӧд лун—Пянда—

Емецк—95 километр; февраль 23-од лун—Емецк—Холмогоры—100 километр; февраль 24-од лун—Холмогоры—Архангельск—74 километр.

Расчѣтъяс ошкысьёны. Но бара пурга да ещѣ сѣтшѣм—бытъѣ ачыс муыс сорласьѣма лым кымѣръясыс-кѣд. Сійѣ ыджыд нѣпйѣн ѣшйис мышкуяс вылас лыж-никъяслы. Но и тайѣ сьѣктасѣ найѣ выдержитисны. Февраль 25-од лунѣ 15 час да 30 минутаын мѣдѣд но-мера лесозавод дорын найѣ финишируйтѣны. Пѣся встре-титисны вит отважнѣй лыжникѣс архангельскса физкуль-турникъяс, томйѣз. Телеграфнѣй проводъяс нуисны ѣчереднѣй телеграмма Комиѣ сы йылысь, мый комсомол-лысь задание лѣи выполнитѣма чѣстьѣн.

А сѣсся официалнѣй приѣмъяс, встречаяс, дипломъяс, физкультура ѣнмѣдѣм йылысь дружескѣй беседаяс, театръяс, выставкаяс, музейяс. Ставыс тайѣ кыпѣдѣ физкультурникъяслысь вѣвлытѣм энтузиазм ещѣ бур-джыка занимайтчыны физкультураѣн, отсавны та кузя Сыктывкарлы, районъяслы. И Николай Оплеснин аслас дневникын гижѣ: „Архангельскын пасйѣны, мый миян областын физкультурнѣй удж паськалѣма тѣдчымѣнъяс нин. Но тайѣ тырмытѣм. Миян могным: лѣсьѣдны мате-риалнѣй база—стадионъяс, межколхознѣй площадкаяс, аэроклуб, парашютнѣй вышка, воднѣй бассейнъяс; вѣлѣдны кадръяс—инструкторъясѣс“.

И тайѣ кѣсйѣмсѣ сійѣ заводитѣ пѣртны олѣмѣ пыр жѣ. Архангельскысь воигѣн нин сійѣ вѣчалѣ собранияс Объячевоын, Визингаын, мед кыпѣдны томйѣзѣс массѣ-вѣй военно-физкультурнѣй уджѣ—дорны страналы кре-пыд сѣветскѣй йѣзѣс не сѣмын духовнѣй качество бок-сянь, но и физическѣй состояниѣ боксянь, дорны сѣтшѣм йѣзѣс, кодъяс эськѣ вѣліны стальнѣйѣсь быд боксянь сѣк кежлѣ, кор ковмас дорйыны Сѣветскѣй странаѣс ортсыладорсянь лѣны вермана уськѣдчылѣмъяссысь.

Пятѣркаѣс Сыктывкарын встречайтѣны, кыдзи побе-дительясѣс. Та бѣрын Коми областын физкультурнѣй удж тѣдчымѣнъяс заводитѣ паськавны. Коля Оплеснин сьѣлѣмсянь отсалѣ физкультура кузя Комитетлы тайѣ уджас. Сійѣ отсалѣ стрѣитны воднѣй станция. А кор сувтис вопрос стрѣитны Сыктывкарын парашютнѣй выш-

ка,—босьтчө тайö уджас, кызди руководитель и кызди техник-строитель.

Строительствоыс муно 1936-öд вося арын. Коля тэр-масьö кызди некор. Кажитчө, тэрмасьö и кадус. Числө-яс öдийö матыстчöны Красной Армияö призывайтчан лун динö.

— Көть эськө кызвыннас эштöдны, ёртъяс. А то ме регыд татысь коса, и некод менö оз казтышт пöсь блин динö, ог кө эштöдö,—шутка сорөн ыштöдö техник-строитель асьыс рабочöйяссö.

И сы вöсна, мый сийö стрöитö зэв коланатор, и сы вöсна, мый регыд нин мунас Красной Армияö, кытчö кыскис сылөн сёлöмыс ичöтысянныс, и сы вöсна, мый ачыс олöмыс гажа да кыпыд,—тайö ставыс вöсна Коля-лы содис содтöд вын, содтöд благородство да ас вынлы эскöм.

— А. нолтöсь, раз! А, нолтöсь, два!..—первойя мортөн керъяс динö кутчысьöмөн заводитö сийö. Рабочöйяс подхватывайтöны дружныя, удж муно стахановскöя.

— Тэ, Николай Васильевич, эн тöждысь вышка вöснайд,—призывайтчан лунъясö шуöны сылы строитель-рабочöйяс.—Ми тайöс öни эштöдам нин.

И сэк жö лично вручайтöны дженъыдик, но унатор йылысь висьталысь отзыв.

„Красной Армия радъясö мунысьлы—Николай Васильевич Оплеснинлы,—заголовокас гижöны найö.—Парашютной вышка стрöитигөн миян динö исключительной вниманиеысь, заботаысь да стахановскöй удж котыртöмысь выражайтам искренной благодарность да көсийсям помавны вышка стрöитöм 1936-öд вося октябрь 15-öд лун кежлö“.

Колялөн збыльмисны мөвпъясыс. Да кызди ещö збыль-мисны! Сийöс зачислитисны НКВД войскалөн Москва карса 196-öд полкö. Советскöй том мортлы тайö ыджыдысь-ыджыд шуд. Сюрны рöднöй Москваö, кысянь шондi югөр моз разалöны му пасьтала рубинöвöй звездаяслөн лучьясыс, көни олö да творитö великöй Сталин, көни мраморысь вöчöм мавзолейын куйлö В. И. Ленин,—сюрны татчö көть öти лун кежлö—заветной мечта не сöмын томйöзлөн.

Москваын кык во чöжся олём унатор сетö. Коля Оп-

леснинлы. Сійö сэн велöдчö полковöй школаын да помалö сійöс круглöй отличникöн. Сы бöрын тöлысь-мöд отделённöй командир, а сэсся взводса младшöй командир да, медбöрын, помалö среднöй комсоставлысь курсьяс. Энергичнöй да волевöй характер динö содöны военнöй выправка, дисциплина, тöдчымöнъя вылöджык кыптö идейно-политическöй уровень. Содö тшöтш славаыс и кызди физкультурниклөн. Сійö постояннöй участник Москва карса физкультурнöй сореvнованиеяс вылын. Ас динас требовательнöй спортсмен, сійö торъя нин совершенствуйтö лыжиөн ветлём. Краснöй Армияын служитигөн ордйысьö Сöветскöй Союзса медся бур лыжникъяскөд. 1938-öд вося февраль 23-öд лунö участвуйтö Всесоюзнöй Юбилейнöй Спартакиадаын, кодi нуöдсис РКК-РККФ, ВЧК-ГПУ-НКВД-лы кызь да Ленин ордена „Динамо“-лөн спортивнöй обществояслы дас вит во тырём кузя. Спартакиадаын участвуйтöмысь да бур результатъясысь взводса младшöй командир Н. В. Оплеснинлы сетсьö Грамота. Грамотасö кырымалö Спартакиадалөн Главнöй Судья Сöветскöй Союзса Маршал С. Будённый. Тайö жö Грамотаас гижсьö, мый Московскöй областнöй „Динамо“ награждайтö призөн дзоньнас Оплеснинлысь 11 морта командасö, кодi 50 километраа военизированной лыжнöй переходын босьтис мөдöд места.

Оплеснин да сёлөн ёртъясыс тайö Всесоюзнöй Спартакиадаын участвуйтöны кызди НКВД Московскöй округса войскалөн сборнöй лыжно-стрелковöй отделение, да прекраснöй результатъясысь Оплеснин, кызди тайö отделениеса командир, получитö Грамота да денежнöй награда НКВД-лөн СССР-са ГУПВО нимсянь.

Коркö воис и службалөн срок. 1938-öд вося декабрь тöлысьын Коля аслас чужан муын нин, бара уджалö Сыктывкарса проектнöй контораын. Нö öнi сійö абу нин сöмын проектнöй конторалөн гордость. Век сэтшöм скромнöй да честнöй, Коля Оплеснин öнi являйтчö гордостьөн Коми АССР-лөн. 1939-öд воын Коми республикасянь физкультурнöй командаяс составын сійöс ыставлöны и Свердловск карö, көнi нуöдсьöны Добровольнöй Спортивнöй Общество „Учитель“-лөн первенство вылö мөдöд лыжнöй сореvнованиеяс, и Казань карö, 9 национальнöй республикалөн спартакиада вылö, и Чебоксарыö,

XVIII-öd партсъезд ним кузя котыртöm 9 национальной республикалөн спартакиада вылö. Быдлаын сийö босьтліс первой местаясысь öтиöс, быдлаысь воліс победаөн. Но эз куш ас йывсыс тöждысылы Коля. Öти участница, кодi ветліс командакöд тшöтш Свердловскö, Оплеснин йылысь висьтавліс талзи:

Делöыс вöлі январь тöлысын. Свердловскö мунöм йылысь физкультура да спортлөн Коми республиканскöй Комитет юöрсö пöлучитіс сёрөн, да ми мунім сэтчö прамöя гөтöвитчытөг. Весиг эз вöвны лöсьöдöмаöсь лыжияс. „Ничево, шуö миянлы, нывъяслы, Коля Оплеснин, ог пропадитö, лöсьöдам места вылас“. И сы вылö видзöдтөг, мый тайö пöрйö сийö вöлі радöвöй участникөн, ставдасьтысяна практическöй уджсö босьтіс ас вылас. Помнитчö,—казытылö тайö участницаыс,—водз асывсянь соревнованиеын участникъясöс мöдiсны нуавны Свердловск карсянь автобусъясөн дас километр сайö вöрö. Но мунысыс вöлі уна, да ми сюрим бöрьяджык машинаяс вылö. Ёна нервничайтім. Сэтчö жö колö ещö лöсьöдны лыжнöй креплениеяс, мавтны лыжияс, дай ачыс соревнованиеыс ёна повзьöдліс: братскöй республикаясысь да областьясысь татчö чукöртчöмаöсь отборнöй лыжникъяс, первенствö вöсна тышыс лöэ зэв чорыд.

Но вот и Уральскöй гöраяслөн пожöма яг, лыжнöй станция.

— Нолтöсь, девчата, кодлөн кытi-мый колö лöсьöдыштны?—кажитчана спокойностьөн шыасис миян дiнö Коля, кöть эськö тöдiс, мый миян абу на ладнö лыжнöй креплениеяскöд. „Ротте Фелла“ креплениеяс дiнö эз тырмыны гребешокъяс, а натөг зэв абу лöсьыд.

— Сейчас ми сийöс лöсьöдыштам,—сэк шуис Коля да гребешокъяс пыдди мастерскöя пукталіс кöрттувйысь вöчöм крукъяс. Ми шензим сийö находчивостьы да мастерстволы. Восхищайтчим тшöтш и сийö долыдлунөн, кодi, тöдöмысь, вуджис миян вылö. Соревнование луныс вöлі зэв кöдзыд, и лыжияс мавтны колö кужöмөн, бöрйыны сэтшöмпөлöс мазь, кодi эськö медся ёна отсаліс исковтны лыжины. Лыжнöй станциясянь Оплеснин некымынысь петавліс лым вылö, мавтöм бöрын видлаліс быд лыжи да шмонитіс нывъяскöд. Öтилы висьталас, мый сылөн и мазытөгыс мунас, мöдöс пöрьялас мöдпөлöс ма-

зьон мавтөмөн, коймөдөс ещө мыйөнкө, а збыльвылас тайө кадө сийө думайтис сы йылысь, кыз эськө соревнованиеас петкөдны первойя местаясө командасө.

Заводитчис ордйысьөм. Стартуйтөны команда бөрся команда. Исходной позиция вылынөсь и ми. Колө вөчны дас километраа военизированной, уна препятствиеа лыжной переход. Төждысьөм содө. „Көть эськө не лоны медся бөрьясөн“,—гусьөник думайтам кодсюрө. А Коля Оплеснин тайө думьяссө быттьө төдө, кыпөдө мянөс.

— Асьтө чувствуйтны свободнойя. Вынъяс видзны кужөмөн. Эскыны аслад победаө.

— Внимание,—кылө команда. Тайө мянлы. Сэссия гөрд флажоклөн взмах. Ми йөткыштчам водзө—и... мелькайтөны пожөмъяс, паныд сувтөны гөраяс, кок увсьыд войтыштө чойгорув... вообще зэв ёна пересечённой места.

Но вот и уна йөза финиш. Аплодисментъяс, ошкана шыяс, мудзөмла кольмөм лыжникъяс... Общество „Учитель“ командаын Оплеснин Коля—победитель, займитис первойя места да тайөн тшөтш отсалис дзоньнас командаыслы босьтны коймөд места.

— Вот таdzi найө и ветлөмаөсь Свердловскад,—Витялы синъясас видзөдлөмөн та йылысь помалис Юров да быттьө прөверитны, окотитө оз нин сийө кывзыны водзө, юалис:—Тэ нө буфетас он и ветлы?

Витя эз вочавидз, а юалис жө:

— А кыз ветлисны Казаняс, Чебоксарыас?

— Но, төдан кө, ставсө ни висьтавыны ни кывзыны огэштөй,—вочавидзис Юров да думыштис помавыны некымын кывйөн.—Спартакиада—спартакиада и эм. Казаньын вөлі март төлысын, ордйысисны спортлөн төвся видъяс кузя, а Чебоксарыын—июлын, ордйысисны гожся видъяс кузя, шуам, плавание да мукөд.

— Плавание? Вот тайө интереснө!—друг шыасис кушетка бокын сулалысь юношаяс пөвстысь өти. Найө, вөлөмкө, тшөтш кывзөмаөсь Юровлысь висьталөмсө.

— Да, тайө збыльысь колө лоны интереснойөн,—содтис мөд.—Сэтчө жө Ти ни өти кывйөн на энө висьталө сийө плавание йылысь.

Юров ньөжйөник видзөдлис ас гөгөрас сулалысьяс вылө да дружескөя качайтыштис юрнас.

— Значит, и ті интересуйтчаннуд,—быттьо ошкыштіс сійо.—Бур делө... Верно шуаннуд: командованиелысь заданиесо выполнитогон, мыйысь и лоис сылы сетома геройлысь ним, медясо отсаліс варччыны кужом.

Тайо кадө орчон сулалысьяс топодчыштісны Юров дінө, и сійо заводитіс выль висьт:

— Сійо сэк вөлі 10—12 арөса детинкаон на. Ми, челядь котыр, сёлкөдчим-купайтчим Сыктылын, пристаяс. Отияс вөлі кужоны нин варччыны, мөдъяс—велөдчоны на. Друг, видзөдам, оти ёрт мөдіс нелючки упражняйтчыны. Вөйлас, петкөдчылас, сомын булькөдчө вомнас, а ачыс отарө визувланьыс кывтө и кывтө.

— Вөйис өд мортыс!—горөдіс миян пөвстысь оти.

— Збылысь өд вөйө, судзөдөй!

— Судзөдөй!—мөдісны горзыны и мукөдъяс, а кодсюрө давай берегө косны, повзөмаось, мед и найө оз вөйны.

И тайо кадө, видзөдам, оти купайтчысь сир моз уськөдчис вөйысьлань, варччис сы дінөдз, кыткө-мыйкө кватитіс вөйысьөс да—береглань. Ми ставон сюсьмим.

— Давай, давай сійөс татчө!—горзө косяньыс оти.

— Отсалөй петнысө, отсалөй!—пидзөсөдзыс ва пиө пырөма да горзө мөд. А смелджыкъяс и голяөдзыс пырөмаось.

— Вот, вот! Сідз!

— А то муртса эз вөй,—радлөны челядь, кор нин ассыныс ёртсө лои кыскөма косөдз.

Вөйысьөс судзөдысьыс вөлі Коля Оплеснин. Тайо сылөн, дзояник детинкалөн, вөлі, позьө шуны, первойя подвиг. Рөгид мысти аслас варччөмөн сійо вылысь шензьөдіс миянөс—вель ыджыд ва дырйи Сыктывкар весьтті варччис Сыктыв ю мөдлапөлө. А 1931-өд воын нин, плавание кузя соревнование дырйи, кодөс вөлі нуөдөма Коми автономной областылы 10 во тырөм кузя, Коля босьтіс первой места—100 метр расстояние варччис 1 минута да 42 секунд.

Да мый нин сёрнитны: татшөм примеръястө сылысь позьө вайөдны помтөг. Висьтала сомын оти ярьюгыд серпас йылысь, коді петкөдлө характерсө геройлысь.

Тайо вөлі 1939-өд во август төлысья оти выходной лунө. Небесаын—ни оти кымөр. Дыр нин зэртөмла Сык-

тивкарса уличаяс вылын пöдтö. Оръявлытöг жуысь автомобильяс туй вылысь кыпöдöны буссö дзонь кымөръясöн. Тайö гөн кодь кокни бусыс пырö ловгоршад, öшиö зданиеяс стенъясö, пырö öшиньясöд квартираясö, помещениеясö, пуксьö веж канаваясö, кызпу садъяс вылö, озыр листа топольяс вылö,—веськыда сідзи и кыскö Сыктив дорö, Эжвалань, мöдлапöвса лугъяс вылö, вөрö. И йöзыс, тöдöмысь, кыссисны вöля вылö ласков шондi улö. Торъя нин унаöн сiйö луннас вöліны Сыктив мöдлапöвса лыа вылын. А лыаыс тайö паськыд, кузь, пукалö пароходнöй пристань катыдсянь да Эжва устьеöдз. Кажитчö, татчö воöмаöсь карсыс став йöзыс. Öтияс пасьтöмöсь, трустикъяс кежысь куйлöны шоньд лыа пляж вылын, кодöс торйöдöма вылын заборөн мужчинаяслы да нывбабаяслы торйөн, мöдъяс купайтчöны, дурöны ва пытшкас, коймöдъяс пыжъяс вылын качайтчöны Сыктив шöрса гыяс вылын, кодъяс артмöны пароходъяс, катерьяс да моторкаяс дугдывтöг ветлöмысь, нельöдъяс чеччалöны купайтчан вышка вывсянь... Быддорсянь кылісны торъя гөлöсьяс, задорнöй серам, сьылöмъяс, корсюрö чуксасисны пароходъяс, карладорсянь кокныдик тöврукöд воалисны радиомузыкалөн шыяс... И звукъяслөн тайö унапöлöс гамма пöвстас друг кылісны тревожнöй шыяс:

— Морт вöйöма!

— Морт?..

— Кöні?..

— Коді?..

Кызкö öти здукөн быдпöлöс паськöма и куш трустик кежсыс йöз уськөдчисны пляж вывсянь берег дорö да, кызди гартчысь тöвнырөн быддорсянь вайöмаяс, чукöртчисны öтилаö.

— Кытчö вöйис?

— Чайтöны, татчö. Гөгөрвоöмаöсь бöрынджык.

— Коді сэтшöмыс?

— Нывка.

— Мый нö видзöдö Осводис?

Тайö кадö йöз пöвсттi тэрыба писькөдчис куш трусика, гожьялөм вöсна бронза кодь кучика том морт. Сьöд юрсиыс кötасьöма, тушаыс косьмытöм, пöльчöм мускуляс вывтiыс визувтiсны паськалöм ва войтъяс. Тайö Николай Оплеснин. Лолалiс тшöкыда тыр морöсөн.

— Кытчоджык вöйис?—юалис йöзлысь. Ачыс дась уськөдчыны пыр жö.

Сылы индiсны не стöча. Бура оз тöдны. Но юасыны некор. Коля эз пыр, а ызгысис ваö. Варччыштiс. Сунiс.

Берег лөнис, пöдтiс ассыс ловшысö. Секундаяс кажитчöны минутаясөн. Нин важөн шыляссисны ва кругъяс, раз-мөд тутöстiс кутшöмкö буксирка..., карсянь, парк культурысянь воалöны радиодикторлөн торъя кывъяс... кылö, таркнитiс моторка... Мый тайö? Сы дыра вермö овны ва пиын?.. Али?.. Но сэк костi ва пиысь пробка моз тювкнитчис морт... куш киөн.

— Абу сюрöма.

— Тыдалö, абу сэтчö вöйöма.

— Кытчö нö эськö вöйис?

Вöйысьöс корсьысь берегö эз пет. Сiйö шойччö ва вылас, пыдö лолалö.

„Гашкö ловъя на,—сэк костi тэрыба аслыс шуалö Коля.—Гашкö удайтчас нетшыштны смерть кийсь морт олöм. Сiйö ичöt нывка. Сылы колö овны... быдмыны! Колö сiйöс аддзыны, судзöдны... дзык пыр судзöдны!..“

Нöшта пыдö лолыштöм, и Оплеснин бара ва пытшкын. Берегын выльысь лөнъ, быттьö ставыс кынмыштiс. Сöмын кутшöмкö пароход мöдiс чорыда вишкыны ю мöдарас, пристанын... Тутöстiс мөд..

— Тыдалö, надейтчö аддзыны,—вашкөдöны сулалысьяс.

— Навернö аддзас. Тайö öд Коля Оплеснин.

— Ланьтöй... кытчö бара петас-а?

И друг уна вомысь:

— Со!.. Аддзöма!..

— Сюрöма!..

— Нолтöсь, туйсö вöчöй!.. Эн мешайтчöй!..

Нывкаöс киняулас кутöмөн, Коля öдйö матыстчис берегö. Сэсся судзис нин кокыс, петiс лыа вылö.

— Искусственной дыхание сылы... дзык пыр!...—сöкыда лолалiг, пöшти командуйтiс сiйö да пыр жö босьтчис уджö...

— И ставыс?—кызкö öтдруг юалисны Юровöс кывзысьяс, кор сiйö виччысьтöг помалис висьтсö да сувтiс кушетка вылысь.

— Ставыс,—вочавидзис сійö да сэк жö содтис тэр-
масьöмөн:—Он öмöй кылö звоноксö. Тайö öд мöд нин.
А ме куритчыны на эг слöймы.

Шуис и видзöдö юношаяс вылö. Сылы воча найö ви-
дзöдисны сідзи, быттö тайö мортыс воис кысянькö бо-
кысянь да грубöя мырддис налысь мыйкö зэв важ-
нöйтор.

— Интереснö, көнешнö, но асьныд аддзанныд...—
паськöдлыштис кияснас Юров. Сэсся сійö öти здук мыйкö
думыштис да шуис нимкодъысь гусьöн моз:—Ті вот мый,
дона ёртъяс. Корлöй Николай Васильевичсö школаад
асьсö. Волас. Висьталас тшöтш и аслас геройскöй делöяс
йивсьыс.

Тайö кывъясыс школьникъяслы вöлі сэтшöм вич-
чысьтöмөн, мый найö бара жö öтпырйö юалисны ставныс:

— А волас, чайтанныд?

— Мыйла нö оз волю... Ті пробуйтлöй!—шуис Юров
да саялис öдзöс сайö.

— Да. Ми обязательнö пробуйтлам,—аслыс моз
шуис Витя да пырис зрительнöй залö. Но концерт сійöс
öні эз нин интересуйт.

ГЕРОИ ОРДЫН

Витялысь предложениесö школаыс ошкис да асьсö жö
и ыстис ходокөн герой дінö. Николай Васильевич кöсйы-
сис волены.

Водзвыв индöм лунö, часö мичмöдöм школьнöй зал
тырис учительясөн да варов школьникъясөн. Но герой
Оплеснин мыйлакö эз во. Витяöс ыстисны квартираас
тöдмавны. И со сійö, директорсянь запискаа, герой ор-
дын. Но Николай Васильевич эз вöв гортас. Вöлöмкö,
сійöс коравлöны гöститны не сöмын налөн школаыс, а
унаөн: мукöд школаяс, торъя учреждениеяс, тöдсаяс,
другъяс, соседъяс, позяс кö, корласны Сыктывкарса став
олысьяс, матигöгöрса став колхозыс, колхозникыс,—та-
тшöм нин народлөн любовыс аслас герой дінö.

Геройлөн мамыс Витяöс примитис, кызди тöдса мор-
тöс нин, раздевалкаысь сійöс нуöдис югид жырйö, пук-
сьöдис кушетка вылö да тшöктис виччысьыштны Колясö.
Тані, вöлöмкö, диван вылын пукалöны нин кык дзöля-

ник нывка. И сы серти, мый найо вѳліны рамѳсь да кыв-
зысисны, оз-ѳ кодкѳ во, и сы серти, мый зѳлісны лоны
прамѳй йѳзѳн нин,—тѳдчис налѳн могыс: воѳмаѳсь ви-
дзѳдлыны геройѳс. Найѳ весиг оз интересуйтчѳны Иноч-
каѳн, кодѳ ворсѳс чачаясѳн джодж шѳрѳ вольсалѳм ковѳр
вылын да сѳрнитѳс ѳти ног: „бу-бу-бу-бу...“

Тайѳ комнатаас ещѳ вѳліны ловъя цветъяс, радио
репродуктор, кутшѳмсюрѳ мебель да комод. Комод вылас
кык фотокарточка. На пиысь ѳтиыс геройлѳн, а мѳдыс
физкультура кузя преподавательлѳн, кодѳс Витя зѳв бу-
ра тѳдѳ. Но мыйла сылѳн фотоыс танѳ, эз тѳд. Колѳ
чайтны—абу прѳста. И кодыр Анна Ефимовна бара пы-
рис жырьѳ, сѳйѳ юалѳс та йылысь.

— Анатолий Степановичыд тайѳ домас жѳ олѳ,—висъ-
талѳс мамыс геройлѳн.—ѳнѳ фронт вылын. Колякѳд зѳв ѳна
вѳлѳ лѳсялѳны. Пыр ѳтилаынѳсь вѳліны. Сѳйѳ и лыжинад
ветлыны велѳдѳс Коляѳс ичѳтысянъныс и купайтчѳныд да
варччыныд туйдѳдѳс. Мортыд тай сѳтшѳм и эм: быдмигас
кутшѳм поскѳд веськѳдан, сѳтѳ и кайны мѳдас. Прѳст
кад кѳ сюрѳ вѳлѳ миян Коляыдлы, корсь сѳйѳс гожѳмын—
ю дорысь, тѳлын—вѳрысь, лыжи вылысь. Да ѳд чудеса:
тулыснад юыс сѳмын на воссяс йи увсьыс, йѳзыс вет-
лѳдлѳны тѳвся кышанъясѳн, а сѳйѳ купайтчѳ нин. Исѳся
гожѳмбыд, накажнѳй лун купайтчѳ. И велѳдчигас и
уджалѳгас—век сѳдзи. Ми чеччам узянѳнысь, а сѳйѳ ю
дорысь нин кайѳ. Тѳв и гожѳм—круглѳй год век физ-
культураѳн занимайтчѳ. Жырьѳ пѳдласяс и вѳчалѳ быд-
пѳлѳс фигураяс. Тѳ вот он эскы, а ме висътала: кызкѳ
ѳти воѳ кузь тѳвбыд киськасис кодзыд ваѳн. Кѳнѳ чай-
тан? Ывлаын, дровяникын.

Рытысянъныс и шуас вѳлѳ меным. Тѳ пѳ, мамѳ, ва тыра
ведратѳ вой кежлас керкаас эн пырт, посводзад мед
узяс, мед оз шонав. А асывнас чеччас узянѳнысь, тяпи-
асяс, куш яй вылас шелгас пальтосѳ и—дровяникѳ. Тѳв-
быдѳн дровяникѳй тырны мѳдлѳс йинас. Мем эськѳ и
зѳв мешайтчѳ вѳлѳ тайѳ йиыс, да ѳти пѳперега кыв эг
шулы. Шензи сѳмын аслым, мися, кутшѳм нин пи менам
татшѳмыс, веж мороз вылын йиа ваѳн киськасьѳ. Ничево
пѳ, мамуш,—мукѳд дырѳи шулывлѳ ачыс.—Татшѳм за-
калкаыд пѳ ми воклы зѳв на пѳру долас.

И со збыльмисны сылӧн кывъясыс.

Та бӧрын геройлӧн мамыс мыйкӧ быттьӧ корсьыштӧс джоджысь да кухняӧ мӧдӧдчиг нин содтӧс:

— Ичӧтысяньыд, ичӧтысяньыд колӧ велӧдны ассьыд виръяйтӧ да характертӧ не повны ни кӧдзыдысь, ни жарысь, ни биысь, ни ваысь. Вот ме мый шуа.

Шуис и саяліс. А Витя век пукаліс важ местаас да здук мысти шензьӧмӧн аслыс моз шуис:

— Вот тайӧ да-а-а! Веж мороз дырйи киськасьны йиа ваӧн... Некод оз эскы... Но ме—эска. Тайӧ мамыслысь эска...

Тайӧ кадӧ пырис том нывбаба да сувтӧс жырйӧ пыран ӧдзӧсӧ. Чачаяс дӧнысь чеччыштӧс Иночка да „мама“ горӧдӧмӧн котӧртӧс сулалысь дӧнӧ.

Кагасӧ мамыс ласковитыштӧс, да найӧ пырисны орча жырйӧ.

И бара кӧть шензьы.

„Да тайӧ жӧ Лыткина Надя,—думыштӧс Витя.—Некымын во сайын сійӧ нималӧс Коми АССР пасьта кызди медбур нывбаба-физкультурница. Котӧртӧм кузя и лыжиӧн ветлӧм кузя нывбабаяс пӧвстын сійӧ вӧлі босьтӧ век первойя местаяс. Сідзкӧ Колялӧн и гӧтырыс физкультурница... Вот дивӧйд!“

Но некутшӧм дивӧ тан эз вӧв. Тайӧ весиг сӧмын тадзи и лӧсялӧ. Гӧтрасьны стройнӧй, физически развитӧй да волевӧй характера ныв вылӧ—идеал быд том мортлӧн, и мӧдарӧ, мунны сэтшӧм верӧс сайӧ, кодӧ аслас характернас, заслуженнӧй славанас кольмӧдӧ любовь жарӧн унджык нывсӧ,—зэв ыджыд шуд быд сӧветскӧй нывлӧн. Тайӧ—социализмлӧн закон, кодӧ артмӧ гижтӧг, ачыс, выль социально-экономическӧй отношенияс подув вылын. Сьӧм пыдди—народнӧй стремлениелы лӧсялана общественно-политическӧй капитал, козин пыдди—искреннӧй любовь, рӧдвуж пыдди—кыкнан дорсяньыс дружба,—со мыйяс ӧні веськӧдлӧны томйӧзӧн.

Колялӧн характерыс и танӧ, семейнӧй вопросас, петкӧдчӧ сідзи, кодлы позьӧ подражайтны.

...Надя сәки велӧдчис медтехникумын. Том на вӧлі. И том морткӧд тӧдмасьӧм йылысь весиг думъясыс эз вӧвны. Збой да водзмӧстчысь подросток-нывка аслас пӧдругаясыскӧд век частӧджык и частӧджык петкӧдчывлӧ

физкультурной соревнованиеяс вылын, олимпиадаяс вылын... Мукӧдъяскӧд тшӧтш сылысь нимсӧ век частӧджык печатайтӧны газетаясын... Сэсся областной юбилейной спартакиада. Сійӧс вӧлі сиӧма Коми автономной областылы дас вит во тырӧм кузя. И друг Лыткина Надя босьтӧ первойя места вит сӧ метр котӧртӧмын. Пӧлучайтӧ Диплом, премируйтсӧ ценной подарокъясӧн. „Мыйсяма нин нывка тайӧ сэтшӧмыс?—аслыс думайтӧ Коля Оплеснин.—И оз-ӧ позь ськӧд... кӧть сӧрнитыштны. Но код тӧдас... мӧдас-ӧ сӧрнитны“.

Коляӧс важӧн нин интересуйтӧ Надя. Мыйкӧ сын эм сэтшӧмтор, кодӧ зэв ёна воӧ сьӧлӧм вылас Колялы. И не сӧмын воӧ, но и заводитӧ ёнтыны сьӧлӧмсӧ ӧнӧдз вӧвлытӧм на, кутшӧмкӧ аслыспӧлӧс дой.

Том морт гусьӧник вӧтлысьӧ физкультурница бӧрся, кыйдӧ сійӧс. Но... тӧдтӧм нывка шедтӧм. Сійӧ оз тӧд гуся мӧвпъяссӧ Колялысь, оз на кыв сійӧ морӧсын песьысь вына сьӧлӧмлысь шогсьӧмсӧ.

„Аддзӧдла, кӧть мый, а аддзӧдла“, — оз энотны думъясыс Коляӧс. Мый думыштӧма, ӧткажитчыны сысь сійӧ оз вермы. И вот тайӧ первойя аддзысьӧмыс лоис.

Вӧлі гожӧм, выходнойлы паныда рыт. Карса детской парк тырӧма школьникъясӧн, студентъясӧн, студенткаясӧн. Эстрадной площадка вылын выступайтӧны артистыяс, самодеятельной кружокъяс. Садъя кузь вӧр пӧвстті, лыаӧн кисьякалӧм аллеяяс кузя параӧн-параӧн ветлӧны томйӧз—юношаяс, нывъяс. Унджыкыс найӧ паритчӧмаӧсь кык зон либӧ кык ныв. Ӧтияс мунӧны гажаа, сӧрнитӧны, сералӧны гораа, мӧдъяс—гусьӧник, сӧмын аслыныс,—ӧта-мӧдныслы вашкӧдӧны первойя юношеской думъяссӧ.

Синмад шыбитчӧны кык пара—гожся платьеясаӧсь кык томиник ныв да пуджӧм дӧрӧм сосьясаӧсь кык том морт. Кутшӧм аллеятӧ мунӧ ныв параыс, сэтӧ и зон параыс. Ныв параыс кежас бокӧджык—зон параыс кытшовтӧ мӧдлатӧ, локтӧ налы паныд. Тадзи рытывбыд. Нывъяс, тыдалӧ, дӧзмӧмаӧсь нин. Налы окота ӧтнаныслы ветлыштны, а тайӧ кык тӧдтӧм мортыс быттӧ сирассӧмаӧсь на дӧнӧ.

„Мый найӧ кӧсийӧны миянсьыным“, —первойсӧ думай-

тöны нывъяс. Сэсса и скöрмöны: сёрнитöны гораа, мед кыласны бöрсянь вöтчысяс.

— Кутшöм право найö имеитöны вöтлысьны миян бöрся,—шүө öтияс.

— Вот бергöдча и шуа мыйкö лöсвятöмтор,—содтö мöдыс.

Зон пара лöгалö жö, но ас вылас. Мыйкö вот колö шуны налы, нывъясыслы, заводитны накöд сёрни, а кывйыс оз сюр. Некутшöма оз сюр. Ставыс быттö блед, ковтöм, пустöй.

„Нинöм, тыдалö, оз артмы“,—аслыс думайтö Коля Оплеснин.

„Кыс нин тэ помысь,—сы вылö видзöдлöмнас быттö вочавидзö ёртыс.—Тайö öд особöй статья“.

Йöзыс мöдисны нин разöдчыны. Паркысь петис и ныв пара. „Либö öни, либö некор“,—сёлöмыс йöктö, Колялөн. И друг Колялы кывйыс сюрис.

— Надя!—горöдис сийö, и кыкнан нылыс бергöдчисны.

— Коднымöс чукöстинныд? Ми кыкнанным Надя.

— Вот и бур!—нимкодъысь горöдисны кык друг.

Нывъяс мыйлакö серöктисны и тайөн быттö лоисны тöдсаджыкöсь.

— Вот мый, Надяяс,—весиг гажапырысь шуис Коля,—Ёрткöд ми аски кöсьям мунны катайтчыны пыжйөн и корсям содтöд тöварышъясöс. Тi он-ö тшöтш муно?

И нывъяс окотапырысь кöсийысисны.

А сэсса дружба, физкультура, соревнованиеяс, любовь.

— Но, дорогая,—коркö öтчид сэсса Надялы шуис Коля,—аслым гöтырпуöс ме бöрйи. Кызди тэ?

Ассыс верöспусö Надя вöли важөн жö нин бöрйöма.

Витялы друг кылис кильчö поскöд мортлөн тэрыба кайыштöм. Сэсса воссис öдзöс, и кылис гажа, но быттö извиняйтчана гөлöс:

— Прöститöй, ме бара ветли дыр.

„Сийö“,—гөгöрвоис Витя да мöдис виччысьны тайö жырийö пырöмсö. Нывкаяс выльысь лоисны серьёзнойөн, выльысь зилисны лоны гырысь йöз кодьөн.

Но Коля Оплеснин, кылö, пырис мöд жырийö, кодлөн öдзöсыс раздевалкасянь жö.

Надя, кылö, висъталіс виччысьысьяс йылысь и сэк жö кевмысис кодь.

— Көть эськө дзоньнас öти лун тэ олін миян дінын. Ми öд тэнö прамöясö эг на и аддзылö гортись, а отпускыд помасьö нин.

— Ме көсьйиси, Надя. Ветла регыд,—кылö, шуалö Коля.—Народ корö. И сылысь любовсö колö кужны донъявны. Сылөн любовыд джуджыд, паськыд, сьölöм-сянь. Кужö сійö и ненавидитны. Народ врагъяслысь оланінсö сійö либö ыліті кытшовтö либö сотö всенароднöй ненависть биөн да пöимсö разöдö медся лёк погодьöа войö, медся скөр төлөн.

— Ме тöда тайöс, Коля. Ме öд ог кут...

И тайö кывъяслы гажа вочакыв:

— Тэ менам зэв жö нин прамöй, дзик ме кодь!

Сэсся кыкнанныс серöктісны да тадзи серамбанөн и пырисны жырйö.

Николай Васильевич здоровайтчис Витякөд да сэк жö юалис:

— Школасянь?—И эз сет вочавидзны, шуткаөн моз содтіс:—Көнкө видöны менö. Военнöй морт пö, а абу точнöй.

— Оз жö видны...

— Сейчас, сейчас мөдөдчам!—шуис сійö и быттьö петігмозыс нин копытчыштліс нывкаяс дінö.

— А ті, дзоляник гөстяяс, мый висъталаннуд?

— Ми?..—заводитліс öтиыс, но сы вöсна, мый юалöмыс лоис виччысьтöм, падмыштіс.

— Ми воим төдмасьны тіянкөд,—отсалыштіс мөдыс.

— Төдмасьны?—юалис Коля.—Коді нö ыстіс?

— Ми асьным воим. Мамаяслысь юалим и воим. Миянлы аслыным окота лоны геройсөн.

— Со ті кутшөмөсь!—шензьыштіс герой.

— Абу куш ми,—смелмөдчис первойяс.—Миян детсадйын унджыкыс думайтö лоны геройөн!

— Вот тайö бур!—ошкыштіс Николай Васильевич.—Толькө вот жаль, мый зэв тэрмасы мунны... Видза колянуд, водзö лоана героиняяс!

— Досвиданньö, дядя Коля! Досвиданньö!—вочавидзисны кыкнанныс, кор нин Оплеснин бердіс öдзöс сайö. А сэсся кыкнанныс жö öтпырйö гораа шуисны:

— Вот тайö герой!

КУИМЫСЬ Ю ВОМОН

Коркө сәсся школьнөй зал лөнис. Ставыс индусисны кывзыны. Сәк кості Николай Васильевич мыйкө сёрнитыштіс директоркөд, коді пукаліс президиумас жө, чеччис цветъяса гөрд пызан сайысь да трибуна вылө пыдди матыстчис школьникъяслань дзик сцена дорйылөдзис. Аслас чужөмыс гажа, серамбана. Орденъясыс дзирдалісны би югөр весьтын. Сійө быттьө нарошнө кытшовтыштіс синъяснас пукалысьясөс, кыпыда шыасис:

— Ті вот мый, ребята: беседасө вөчамөй прөстөяджык. Ме пукся татчө стул вылө, а ті матыстчө ме гөгөрджык. Тадзи бурджык лоас. Вернө ме шуа?

— Вернө,—нетыр гөлөсөн шыасис сөмын өти.

Найө некутшөма эз виччысьны татшөмторсө. Од тайө герой! Герой од тайө! И колө лоны кутшөмкө аслыспөлөс мортөн. И друг тадзи... Но кодкө нин сувтіс, несмела мөдіс матыстчыны сценалань. Мөдісны шөпкөдчыны, синъяснас юасьны өти-мөдныслысь...

— Давай, давай! Тэрыбджыка!—содтіс Николай Васильевич да бергөдчыштіс стулла.

„Збыль тай!“—кызкө отпырйө думыштісны челядь, и зал ызнитіс-вөрзис. Коді стулөн, коді скамьяөн, коді натөг мөдісны чукөртчыны Оплеснин гөгөр.

— Толькө виччысьмөнджык, виччысьмөнджык... Энө доймөй,—шуалө Николай Васильевич. Сөмын тайө кывъясыс өні вөліны сэтшөм жө вынтөмөсь, кутшөмөсь найө эськө вөліны сәк, кор кодкө думыштіс кө сувтөдны кывйөн визув ю вылысь тулысын вөрзьөм йи.

Сы пыдди пуксисны өдйө. Тырис сенавыв, сылөн дорышыс, скамьяяс дінөдз костыс,—бырис весиг и сійө гөгөрвотөм косталөмыс, коді вөлі муртса на өні школьникъяс да герой костын. „Со сійө, со, геройыс! Киөн судза! Другкөд моз верма сёрнитны, юасьны, висьтасьны. Со сійө!“—тайө кадө аслыс думайтіс Витя, кор нин ёртъясыскөд пуксис герой дінө кокулас моз.

Нөшта здук, и герой шыасис.

— Регыд тырө куим вежалун, кызди ми заводитім скитайтчыны Ленинград бердъясса вөръясөд да нюръясөд. Ми находитчам прөтивниклөн тылын да бойясөн писькөдчам асланымладорө. Миян часть ставнас окруже-

ниены. Мунігн частö вежлам направление, воштам немецъясöс төлк вывсъяс, туялам местаяс, кыті кокныд-джыка позьö орöдны вражескöй кытш.

Онi сьöкыд уськöдны төд вылö тайö „болотнöй походлысь“ став детальяссö. Но унатор оз вун нэм кежлö: вөръяс, нюръяс, шочиник туйяс, нюр ваа гудыр юяс да шоръяс, вöв яй, кодi вöли миян быдлунъя менюөн. А медся главнöйыс—кутны позьтöм зильöм петны немецкöй кытшысь.

Менö назначитисны разведчикъяслөн ротаö командирөн. Менам распоряжениеын частьса медбур боецъяс.

Босьтi вит боецöс да рытнас мöдöдчи разведкаö. Колö төдмавны, кутшöм населённöй пунктъяс эмось туй вылын, кыті кутас прöйдитны миян часть.

Разведкаын вöлим кык лун. Прöйдитим некымын сикт. Со Ч. сикт. Неылын прöтивниклөн аэродром. Немецъяс волювлöны сиктас прöдуктаясла. Менам локтöдз часджын сайын нуöмаось куим мöс. Т. сикт. Прöтивник прöйдитöма татi төлысьөн-джыннöн сайын. Сийö кадсянь абу на волöма. Да и вöчныс танi сылы нинöм. Гөгөр вөр, а миян вөръясысь немецъяс полöны. Олысьясыс—вөрлэдзысь рабочöйяс. Эм налөн неыджыд огородикъяс, но найöс дзикöдз куштöмаось немецъяс первöйысь волігас на. Н. сикт. Сöмын öти географическöй понятие. Сиктыс абу. Эм сöмын сотöм, джынвыйö разрушитöм керкаяс. Озыр, но прöтивникөн грабитöм Н. Д. сикт.

Вежалунөн-джыннöн сайын немецъяс лыйлöмаось танi 9 пленнöй красноармеецöс—ленинградецöс. Кутшöмкö ногөн боецъяслы удайтöма сетны крестьяналы асьыныс адресъяс да фотокарточкаяс. Колхозникъяс бережнöя видзöны тайö документъяссö да надейтчöны ас кадö мöдöдны найöс пöгибшöйяслөн семьяяслы. Прöтивник волювлö татчö прöдуктаясла вежалунын öтчид.

Олысьяс подтверждаетöны, мый В. юлөн асыввыв берегын—миян частьяс, а рытиввыв берегын—немец. Тайö миянлы зэв важнö.

Н. Д. сиктысь бөр локтi Т. сиктö. Тöдмалi, мый миян часть муніс төрыт О. сиктлань. Узи Т. сиктын. Асывнас крестьяна гöститöдисны йөлөн, жаритöм картупельөн. Мöдöдчи туйö.

Луннас вöтöдi частьöс. Частьса командир майор Во-

робьев весиг шензъыны кутис, мый ме сэтшӧм кокниа аддзи найӧс. Ме висьталі сылы, мый В. ю йылысь миян имеитчысь сведениеяс веськыдӧсь. Шыӧдчи сы дінӧ:

— Разрешитӧй меным форсируйтны ю да йитчыны асланымгъяскӧд.

— Бур. Мӧда кутны тӧд вылын,—вочавидзис майор. Ме команднӧй пунктын. Майор Воробьев шуӧ:

— Но, Оплеснин, чукӧрт группатӧ да мун... В. ю варчыны верман?

— Обязательно варчча...

А 17 часын ме, лейтенант Анатолий Кузнецов, лейтенант Пленков да боец Рогалев получатім нин майорсянь боевӧй задание: вуджны немецкӧй фронт, варччӧмӧн форсируйтны В. ю, йитчыны асывывыв берег вылын действовуйтысь частьяскӧд да вайны ӧтувъя действиеяслысь план.

Майор подробнӧя объяснитіс, кызди миянлы бурджык мунны да помалігас шуис:

— Прӧдуктаясысь вермад нинӧм не вайны, а махорка вайӧй непременно.

В. юӧдз миянлы колӧ вӧлі прӧйдитны 20 километрысь унджык немецъясӧн босьтӧм местностьясӧд, а сясся колӧ вӧлі венны медся сьӧкыд препятствие—вуджны ю, пасьтаыс кодлӧн 37 метрӧдз. Ме эска аслам ӧртъяслы, куимнаннысӧ ме тӧда бура. Лейтенант Кузнецов храбрӧя да толковӧя командуйтіс сапӧрнӧй ротатӧн. Пленков, опытнӧй командир-связист, вӧлі кужӧ зэв бура варчыны, а тайӧ вӧлі миянлы зэв коланатор. Рогалевкӧд ме ветлывлі разведкаӧ унаысь да пыр вӧлі доволен тайӧ смел да ловкӧй боецнас.

Рытнас мӧдӧдчим туйӧ. Сук вӧр ӧдйӧ тупкис миян частьлысь временнӧй лагерь.

Виччысьтӧг петім хуторъяслань. Кык еджыд хата. Йӧзлӧн пемыд вуджӧръяс. Ми сувтім. Видзӧдам зэв сюся. Хуторъяс сайын тыдалӧны телеграфнӧй столбъяс да кӧрттуй полотнолӧн насыпь. Ӑдйӧ вуджим насыпь. Мунам прӧсека кузя. Делӧяс бурӧсь. Мунім асывывывлань 300 кымын метр. Пыр ориентируйтчам компасӧн.

Стоп! Водзвылын бипуръяслӧн югӧр. Бергӧдчим лунвывлань. 500—600 метр прӧйдитӧм бӧрын матыстчим шосселань. Бара неылын бипуръяс. Колӧ веськыда прӧй-

дитны на костод. Пырим трачкакылысь кустарникö. Тувчалам зэв осторожнöя, но быд воськов бöрын трачйодлö сідзи, бытгöкö орудиеысь лыйсьöны.

Тöв вайодö миянлы гөгөрвотөм сёрниаслысь торъя шыяс. Кывзысям дыр. Бара мөдөдчим водзö. Бипуръяслөн югөр коли миян бöрын.*

Виччясьтөг кустарник помасис да воссис шоссе. Прöйдитис грузовик. Вот эськö сылы гранатаөн! Но оз позь асьнымöс эрдöдны. Дыр пукалам канаваын. Шоссе кузя шочиника прöйдитöны автомашинаяс. Шумөн прöйдитис танк. Миян бöрын, көрттуй кузя, муно паровоз, сэсся поезд. Ставыс войвывлань, Н. карлань.

Осторожнöя котөртим шоссе вомөн. Раздчыштим минута кезлö, медым бурджыка төдмавны вёрдор. Вуджам нюрсялөм вөр вомөн. Зэв ёна колö сёйны.

Да, миян эм консерв. Ёртъяс сетисны медбөръясö. А менам весиг нянь аддзясис. Решитим бырöдны ставсö отиысьөн. Од немецъяскөд паныдасигөн вермас ставыс пöгибнитны миянкөд. Кутшөм тайö чöскыд: нянь да консерв!

Водзö!

Водзын медся сьöкыдыс—немецкöй фронт да ю, кодöс колö вуджны. Шуйгаладорсянь кылö орудиеысь лыйсьөм шы, а би югөр югдөдö миянлысь туй. Нюр, шочиник пуяс да нитш. Туй век омөльтчö, кокъяс пыдö пырöны ва сора нитшкö. Тадзи муним 25—30 минута. Друг кок улын чорыд грунт. Неужели помасис нюр? Асланымлы эскытөг прöйдитам нöшта некымын дас метр, но нюр абу.

С. П. районын орудиеясысь лыйсьөмъяс да взрывъяс. Ми мунам Я. сиктлань. Синъяс висьтөдз видзөдам пемыдас, быд куст вермас пөръявны.

Вөр помасис. Ветлана туй. Немецкöй автомашинаяс-лөн да мотоциклъяслөн следъяс.

Сувтим, лөсьодам окончательнöй план: ме да Пленков вуджам В. сайö, Кузнецов да Рогалев кольччöны тайö берегас, лунсö пукалöны вöрын, а войнас сигналитöны миянлы бөр вуджны позянлун йылысь.

Бара водзö! Кустарник, а сэсся зыбуч нюр. Рогалев коскөдзис вöйи. Муртса кыским сійöс. Сетчим шуйгавыв 200 кымын метр. Бара нюр. Заводитчим чеччавны

кочкаысь кочкао. Но ме, кочкаыскод отлаын, вöйи. Кузнецов кутчысис Пленков динö, Пленков кыскö менö. Артмö быттö сказкаын: „Бабка за дедку, дедка за репку“. Петим. Менам сапöгын тырыс нючъялысь нюр ва. Нöшта 200 кымын метр сетчим войвывлань да косджыкинöд петим ыб вылö. Гөрлöмаось, тыдалö, кольöм во, а öнi эновтöмаось. Мый нö вöчан? Война.

Вель ылын öтар-мöдарас тыдалö нето вөр, нето сикт. Пемыд. Дыр кывзысим войся лöньлунö. Лыйсьöм шы оз нин кыв. Кытöнкö ылын чуксасьöны петукъяс.

Водзö! Мунам асывыввлань.

Вуджим туй. Шуйгавылын зорöд. Кималасөн тöдмалöм серти—клевер. Заводитчö чойгорув. Сидзкö матын ю. Мунам нöжйöникөн. Шынитöv. Кывзысям быд шыö. Сьölöмöй тiпкö, кызди кузнечнöй цехын электрическöй мөлöt. Нейджыд роши, и шуйгавылын югъявны кутiс юлөн зеркала кодь эжыв. Со сийö дыр виччысьöмторйид.

Юöдз 150 метр вотöдз водим. Шуйгавылын пемыд рöмас кутшöмкö вуджөръяс, быттö сулалöны мортъяс. Видзöда синъяс доймытöдз. Кажитчö, мый найö муноны. Кыяс асьныс нөждчöны гранаталань.

— Рогалев, разведкаö!

Сийö кыссьö пемыдас. Кутшöм кузьöсь кажитчöны виччысян минутаясид. Со сийö и локтiс. Ставыс порядокын: вöлöмкö, кольтаяс кольöмаось муяс вылас.

Матыстчим юлань. Зэв паськыд. Мöдар берегыс вошö водз асывся пемыдын.

Рогалев да Кузнецов муноны ю пöлөн, корсьöны мöдарö вуджöм вылö средствояс. Эз на вевъявны найö вошны син сайö, кылам сёрнияс. А сэсся локтiсны котөрөн да докладывайтöны:

— Веськыдвылын 70—100 метр сайын немецкöй часövöй.

Мунам берег пöлөн. Вуджим шор да виччысьтöг, самöй ныр водзын, окопсянь горöдiсны:

— Хальт!

Зловещöя югнитiс немецкöй штыклөн лезвие. Рогалевкöд водим. Сяркнитiс лыйöм. Шутövтiс пуля да шлөпнитчис кытчöкö берегдорса нюйтас. Нöшта некымынысь лыйисны. Ми Рогалевкöд отстреливайтчам, кыссям берег пöлөн, немецкöй трассирующöй пуляясысь дзевсьöмөн.

Ме чорыда решиті варчыны В. ю вомён. Шыбиті ас вылысь шинель-палатка, пөрччи сапөг. Виччыся выстрел. Виччысьны дыр эз ковмы. Югнитіс трассируйтись пуля, швачкысис нюйтас да резыштіс ваыс меным чужомё. Чеччышті, и ме ва улын. Петі берегсянь 15 метр сайё. Велькыдыввисянь и шуйгавывсянь кылёны глухой выстрельяс.

А кён нё пистолетой? Од ваё чеччыштигён сійё вёли кийн. Но думайтны та йылысь некор. Трассируйтисьяс „югдодёны“ менсьым „курс“. Качис ракета, и ме бара суні ваё. Пройдитёны кузь, вывті кузь секундаяс ва улын. Выньяс оз тырмы. Воздух колё, воздух! Кыпёдчи ва вылё да пулемётной очередь бара заставитіс сунны. Минутаджын мысти кымын кыпёдчи, тыдалёны асыввыв берег, сикт, садьяс. Пулемётной очередьясысь ва брызгьяс кыптёны фонтанён. Бара суні. Лолавны нинёмён, морёсөс поткөдө. А вылын югид, быттьё лунын. Вылын—явной смерть. Медбёрын ракета кытчөкө уси, кусі. Кыпёдчи ва вылас, варчча, варчча сэтшөм вынён, кутшөмён некор эг варччывыл тренировкаяс дырйи Сыктывса да Рашенскөй ваясын. Варчча сідзи, кызди некор эг варччывыл Московскөй бассейнъясын, паськыд Волга вылын соревнованиеяс дырйи. Варчча, аслам варччөмысь кывкутөм чувствуйтөмөн. Од менам результатьясысь зависитө судьбаыс оз өти командалён, а уна командирьяслөн да красноармеецьяслөн, зависитө миян дивизиялөн олөм. И став тайё желаниеясыс өтлаасисны нач өти желаниеё—овны, овны!

Бара ракета. И бара ме бультыкася ваын. Оні нёшта нин кузьбсь да мучительнойёсь ва пытшкын колльөдөм секундаяс. Вылын бара пулемётной очередьяс да брызгьяслөн фонтан. Мыччысьлі ва вылас сөмын лолыштны.

Сэсья пемыд. Тайё меным бурджык. Казялі, мый варчча бөрлань, прөтивниклань. Бергөдчыны, өдийөнджык бергөдчыны!

Бара ракета да пулемётной очередь. Бультікасыгтырйи суні. Вөча вид, мый вөя. Суні, 15—20 метр сайын ньөжйөнник кыпөді чужомёс ва вылё. Лыйсьөм шы оз кыв. Виччыся. Ставыс спокойнө.

Ньөжйөнник заводиті варчыны водзё. Тыдалё, ме велькалі асыввыв береглөн вуджөрө.

Сөмын өні казялі, кутшөм көдзыд ваыс. Ем йывъясөн моз сійө бытшлалө морөсөс. Кияс мудзисны. Шойчча, куйла ва вылас. Став тушаөй дрөжжитө. Мөдөдчи водзлань.

Кокъяс инмисны нюйта муө. Заводитчылі кыссыны пидзөсчанысьөмөн, но гырджаяс кусыньтчисны, и ме вөйи ваө. Сьөкыдырысь кысси ыджыд из дорө. Пулемётной өчередь. Но пуляс усины кытчөкө веськыдыв. Төдө-ө немец, мый ме вуджи? Оз, тыдалө, оз төд.

Көдзыд. Виръяй дубалөма. Пинь пинь вылө оз веськав. Видзөдлі гөгөрбок, аддза вражескөй береглысь смутной очертание. Колө мунны, а то югдас, да менө виасны, ме жө цельсянь матын. Но кытчө? Водзын крутой бужөд. Кута кө кайны сы вылө, прөтивник менө, сідзи и төд, казялас.

Шуйгаланьысь аддзи мөд ыджыд из. Варччи сылань. Неылын снарядөн перйөм гу. Пыри сэтчө да шойчча.

Видзөда, 70 кымын метр сайын ичөтик керка. Став вынъяс зэвтөмөн кыся сылань. Сувті, мый вынысь нетшышти өдзөссө. Öтикысь нетшышти, мөдысь—и со ме керкалөн спасительной стенъяс сайын.

Видлала. Ме кухняын. Куш стенъяс. Койка вылын матрац. Вот аддзыны эськө күтшөмкө кос паськөм! Синъяс вылө усины этажеркавывса буссьөм занавескаяс. Нетшышти найөс. Пөрччи ас вылысь ставсө, мый вөлі, да воді матрац вылө, занавескаясөн гартчөмөн. Дрөж прөйдитіс. Тупка синъясөс. Неужели спаситчи?

Кыски планшетысь Иночкалысь, менам дона нывлысь, фотография. Спаситчи, Иночка, спаситчи!

...—Господи! А тані коді?—кылі гөлөс да восьті синмөс и аддза ас водзысь олөма нывбабаөс.

— Коді тэ татшөмыс?

Объяснитчим. Оз верит. Красноармейскөй частьяс йылысь менам юалөмъяс вылө нинөм оз вочавидз. Муніс.

Некымын минута мысти нывбаба вайис йөв кринча да ыджыд шөрөм нянь. Бара юася. Сылөн, вөлөмакө, пиыс, кыдзи и ме, армияын. Менам юалөм вылө: кыдзи мунны кутшөмкө воинскөй частьөдз?—менама „көзьяка“ чөволіс да бара муніс кытчөкө. А локтөм бөрас висьталіс, мый тасянь некымын керка сайын олөны красноармеецьяс.

— Сомын тэ улич кузяяс эн мун,—висьталіс меным нывбаба.—Коді сомын военнōй тыдовтчас, немецъяс мōдар берегсянныс сідзи и лыйлōны. И ме со горто войснас воывла. Со сомын оні тэ вōсна задержитчи.

Муні индōм керкаōдз. Сэні, вōлōмкō, збыльысь оло красноармеецъяслōн отделение. Найō кодйōмаōсь окоп да пырōмны керкаас. Сідзи и олоны: то керкаас, то окопас.

Локтіс отделенияса командир. Тōдмасьō документъясōн.

Ме ротын. Сэся сета обьяснение батальонын. Ме кōмтōм, киссьōм гача, гимнастѳркаа, вōнътōм. Тадзи, татшōмōн, конвоируйтōны мēнō полкō. Недыр тōдмасьōм бōрын верзьōмōн одийō мунім дивизияса штабō. Кадыс вōлі 23.00.

Заводитчис допрос. Помасис 4 часын. Лои тōдмōдны полклōн да дивизиялōн боевōй действиеясōн.

Узя джоджас пач бокин. Асывнас татшōм жō видын сувтī бригадаса командир водзō. Завтракайтыштīm винаōн. Тōдмасим планōн. Пасьтаси гражданскōй паськōмō да туйō. Верзьōмōн локтī полкса штабōдз.

Пыжъяс абу гōтовōсь, абу гōтовōсь и доброволецъяс. Найō куимōн. Прōдуктаяс сіджō абу вайōма.

Вуджōм вылō замечательнōй пемыд вой коли лōсьōдчōмын. Ми нēльōн. Ми долженōсь войнас вуджны В. юлōн рытиввыв берегō да йитчыны асланым частъяскōд, представитны налы действиеяслысь план.

Видзōда мōдар берегō. Шензя, кызди ми прōйдитīm немецкōй окопъяссō да пулемѳтъяссō налысь. Найō дзик орччōн турун зорōдсянныс. Нōшта нин дивō, кызди ми эг веськыда зурасьōй немецкōй часōвōй вылō.

Но оні медсясō беспокоитō мōвц: кызди вуджны мōдар берегō.

Таōдз вōлі колхозникъяс ордын. Кывлі сы йылысь, кызди кутшōмкō командир воддза лунас пулемѳтнōй обстрел улын вуджōма юсō. Старикъяс шуōны, колō пō ыджыд мастерство, а старушкаяс воисны дзик оти выводō, мый тайō абу морт, а святōй. Чōволі, эг висьтав, мый тайō святōйыс кывзō висьталōмсō ас йывсыс.

Лун прōйдитіс вуджōм кежлō лōсьōдчōмын.

Вой. 18 боец нōжйōникōн, кыв шутōг, нуōны пель-

помъяс вылас еджыд пыж. Зэв нин тешкодьон кажитчө боксянь тайö процессияяс.

Пыж лэдзисны ва вылас менам индөм серти. 23 часын пуксим да мөдөдчим. Ньөжйөник сынам водзө. Со пемыдас матыстчө мянлань мөдар берег. И друг лыйөм.

Чорыда сыныштөмөн ме бергөді пыжлысь нырсө. Заводиті сынны ва катчөс. Сеті команда: „Лөсьөдчыны варчыны“. Лыйісны пыр ёнджыка. Бара мөдіс стрөчитны пулемёт.

„Благополучнө локтім береглянь. Ме ньөжйөник муні землянкаө. Ёрт муні докладывайтны штабса начальниклы. Вуджны заводитчылөм мянлы эз удайтчы.

3 час 30 минутаын локтіс приказание: вуджны мөдысь. Босьтімөд пыж да процессия бара мөдөдчис береглянь. Югыз. Мичаа тыдалөны мөдар береглөн очертаниеяс, весиг кустъяс. Мөдар берегсянь кылө немецкөй часөвөйлөн кызөктывлөмыс. Вуджны заводитны дзик төлктөм. Асланым риск вылө решитім нарушитны приказ—переправа отложитны. Вөчны нинөм. Мунім шойчыны.

Корисны дивизияса штабө.

Штабын. Командование—томйөз. Кокниа вуджөм йылысь надея вошис. Рытсянь ён пулемётнөй да миномётнөй би. Тайö местаыс сотчө. Виччысям. Асыв кежлө ставыс лөнис.

2 часын заводитчим выльысь. Оні сетсьөны мыйкөмында удобстваяс. В. юө пыж кывтө ичөтик шорөд. Вуджам. Вражескөй берөгөдз коли метр 20.

„Кияс вывлань!“—горөдісны водзланын. Бергөді пыж сылань, кысянь мөдөдчylim. Лыйисны өтиысь, мөдысь, коймөдысь. Ме сына. Со и лов спаситысь берег. Кыским пыж кустъясө да мунам докладывайтны капитанлы.

Обиднө. Оз узьсы. 5 часын мунім дивизияса штабө. Оні вуджөм вылө бөрийисны Р. места, дивизияса штабсянь 15 километр сайын. 21 часын ме вөлі нин вуджны индөм местаын. Төдмала мөдар берег. Велькыдылас 3. сикт. Сысянь юас лэччанинас роци. Лунвывланьын, 1.200—1.500 метр сайын, пионерскөй лагерь. Лагерь да роци костын—ты. Вуджан места—тайö тыыс.

23 час 30 минутаын выльысь пуксим. Ставыс мунөбура. Берөгөдз матын нин. Небеса фон вылын төдчө

куст либõ пу. Нõшта некымынысь сыныштны—и ми цель дорын. Но кустсянь торйõдчõны винтовкаа йõз. Казяласны-õ мянõс? Дугдím сынны. Пыж плавнõя качайтчõ гыяс вылын. Õти сувтис, сы бõрся мõд. Сувтисны пидзõсьяс вылас, метитõны винтовкаысь. Лыйисны. Менам сынысьяс водисны пыж пыдõсõ. Лыйлõны õти бõрся мõд. Тэрмасьõмõн сына береглань. И тайõ случай дырйи ставыс прõйдитис благополучнõ, не артавны кõ сийõс, мый эз удайтчы вуджны. Кõтасьõмаõсь, неудачаõн расстроенайõсь, локтím команднõй пунктõ.

Предлагайта вуджны варчõмõн. Капитан Дзюба сõгласитчис. Шойччышта.

...Асывнас чеччи 3 часын. Став паськõм, документьяс капитан Дзюбакõд тэчим плащ-палаткаõ. Топыда кõрталím вõсни гезьясõн. Чõвти пельпомъяс вылõ шинель, лэчча юлань. Пемыд на. Шутьлялõ войтõв. Вражескõй берегладорын шумитõ вõр, ызгõны гыяс. Мый менõ виччысьõ?

Пукалам, кывзам. Шынитõв.

— Но, Оплеснин, кад!

— Кад, капитан ёрт!—Топõдi кисõ ёртлысь, кодi куим лун чõж мõдõдiс менõ подвиг вылõ. Пыра ваõ. Кõдзыд. Осторожнõя пыра. Заводитi варччыны. Гыяс содõны. Со õти гартыштiс менõ.

Варчча дыр. Оз тыдав ни õтар, ни мõдар берегыс. Ва, небеса да тõв.

Со и тыдовтчисны береглõн смутнõй очертаниеяс. Мый виччысьõ менõ?

Ляпкыдик берег. Шуйгавылын син ёрмõн югид ракетаяс. Но найõ ылынõсь. Кысся берег йылõ. Водзын бугорокъяс, немецкõй окопъяс. Кысся веськыдывлань. Вуджи нюр. Туйяс абуõсь.

Бõрдорõ сувтi. Плащ-палаткаысь кыски паськõм. Сийõ пõшти кос. Сы пыдди вывса гимнастёрка дзик ва. Вõньõ кõрталõм ботинки тырõма ваõн. Вõча колана „туалет“. Пыдзрала, кисьтала ва. Тайõ операцияыс босьтõ уна кад. Кияс оз кывзысьны. Дзикõдз турдiсны.

Ставыс гõтов. Видзõда гõгõрбок. Югид. Неылын тыдалõ немецкõй окоп.

Õдйõджык рытывылõ. Кыссьõмõн пырны вõрõ, а сэсянь водзõ и водзõ. Нимкодясигтырйи, мый удайтчис

вуджны, муна котортөмөн. Котортөм шонтө. Ог казав, мый увъяс кучкалоны киясө, чужомө. Водзө! Водзө!

Шондї петигас вуджи шоссе да көрттуй. Оні курс войвывлань. Прөйдита сикт пөлөн. Аддза еджыд костюмъясө пасьтасьом немецъясөс. Паныдаси железнодорожниккөд. Сійө подтверждайтө, мый тайө збыльысь немецъяс, но мыйла еджыд паськөмаось,—висьтавны оз вермы.

Водзө! Менө виччысьө командир, менө виччысьоны уна сө морт. Ме нуа налысь олөмъяс спаситөм кузя план.

*Со и төдса прөсекъяс. Найө, кызди рөднөй карлөн уличаяс... Блын тыдовтчыліс красноармеецлөн фигура. Шалаш. Места, көні неважөн сулаліс миян часть. Отимөдлаын ломзьөны на бипуръясысь шомъяс. Паныдаси военнөйкөд—артиллеристкөд. Миян мунөмаось татысь төрыт да өні тасянь 3—5 километр сайынөсь. Мунам выль лагерө. Кутшөм ньөжйө мунө тайө артиллеристыс! Кызди позьө лоны татшөм ньөжмыдөн?

Медбөрын, тыдовтчис и бипуръяслөн тшын.

— Вайөда геройөс! — тадзи юөртис артиллерист менам локтөм йылысь.

Волнуйтчөмөн докладывайта артиллерийскөй подразделениеса командир майор Кузнецовлы задача выполнитөм йылысь. Сетала махорка. Заводитчисны куритчыны.

Со найө, миян! Миян!

Майорлөн шалаш. Строжайшөй оцепление. Подробнөя докладывайта немецкөй фронт орөдөм да окружениеысь петөм кузя план.

Заводитисны лылыны миномөтъясысь. Пырим вөрө пыдөджык. Пуам медбөръя вөв яй. Бөръям снаряжениеысь медся коланаяссө. Лөсьөдчам поход кежлө.

13 часын ротаясса да батареясса командиръяслөн совещание. Майор объявитис, мый асыввыв берегкөд йитөд установитөма, вайөма өтувъя действиеяс йылысь план. Ми долженөсь, обязанөсь сійөс пөртны олөмө.

17 час 15 минута. В.-лань марш заводитчис. Одыө пемдө. Муртса верман торйөдны водзынмунысь өрттө. Көрттуйөдз коли кык кымын километр. Колонна торъялі. Командир Котовлөн подразделение мунис миянлы төдтөм направлениеө.

Майор заводитис нервничайтны. Решитим мунны Котовтөг. Колө срок кежлө петны вуджны индөм местаө.

Вуджим көрттуй, сэсса шоссе. Шензя, мый вөчөны немецьяс да кызди найо сяммисны не аддзывны миянөс. Пыдөдзджык пырим вөрас. Ме муна водзын. Восьлавны сьөкыд. Колонна частө оръясьө. Лоо сувтлыны да виччысьны кольысьясөс.

3 час 00 минута. Решитим узьны вөрас. Водзө мунны смысл абу.

... Шондiа асыв. Зарни ар. Свежөй, неуна улыьса воздух.

Кайи джуджыд пу вылө да вөча местностьлы рекогносцировка. Асыввылысь аддза нюр. Сэтчө и колө мунны.

Караульнөй докладывайтө, мый аддзылис куим немецөс. Миянлы некутшөм ногөн оз ков петкөдлыны асьнымөс. Торъя колоннаясөн лагерь вежө асьыс места.

Батальоннөй комиссар Чепелевкөд мунам разведкаө. Аддзим миянөс интересуйтысь туй.

Бөрвылын выстрельяс. Горөдөм:
— Хальт!

Колонна пырис вөрө. Миян тылөвөй охранение примитө бой. Батальоннөй комиссар Чепелев виис автоматысь өти фашистөс. Мукөд немецьяс пышйисны.

Рөмдө. Муна разведкаө корсьны трөпа, код кузя прөйдити некумын лун сайын. Аддзи сийөс.

Частьса командир сетис боевөй приказ вуджөм вылө меөн вайөм план серти. Со приказлөн основнөй моментьяс:

4 час 00 минутаын миян сигнал серти асыввыв берегьянь артиллерия осьтө би Я. сикт кузя.

4 час 20 минутаын ми атакуйтам Я. да мунам В. вылө. Миянлысь движение прикрывайтө артиллерийскөй да пулеметнөй би.

Ме төдмөда командирьясөс прөтивниклөн огневөй точкаяс расположение йылысь.

1 час 00 минутаын заводитим Я. сикт вылө движение.

2 час 30 минутаын прөйдитим вөр.

3 час 00 минутаын встретитчим Котовкөд да сылөн подразделениекөд. Ставным радсь. „Миян полкын соди, соди“ ...

4 час 00 минутаын воим вөрдидз.

Воис кад, кодөс ми сэтшөм дыр виччысим, вөрьяс

да нюръяс кузя скитайтчигон. Нюшта оти усилие,—и ми отлаасям Красной Армияса частьяскод. Часто да пося тпкисны мян съоломъяс тайо торжественной минутаясас.

Босьти винтовка. Вит трассируйтесь пуля лэбисны вывлань, кодзувъяслань. Тайо—асыввыв берег вылын сулалась артиллеристьяслы сигнал.

Виччысям минута, витос, дасос... Шынитов. Неужели мянос эз гогорвоны?

И друг пемыд небеса югдо выстрелъяслон заревоысь. Свист. Разрывъяслон шум.

— Водзо! Я. сикт выло!

Компаслон магнитной стрелка откажитис уджавны. Казяли, мый мунам лунвыло. Вочи поправка:

— Правое плечо вперед!

Водзвылын строчито вражеской пулемет. Орудийной пальбалон гримгом оз чин. Водзо! В. пункты мянос виччысьоны пыжъяс... Оти борся мод озыоны кык сикт. Бур ориентиръяс. Небесаджыныйс сотчо. Пожар югдон пользуйтчомон, муноны уна се боец. Тайо картина-со вермис эсько рисуйтны ыджыд художник. А ме от босьтчы...

Бойон петам юлань. Пыжъяс абуось. Ми петим километрон-джынойн лунвывлань, кытчо коло воли.

Ме вуджи В. ю! Тайо—менам коймодысь варччом. Асыввыв берегын встретити майор Кузнецовос да батальонной комиссар Чепелевос. Найо вуджюмаось пыжон.

Лосьодам голосовой йитод рытыввыв берегкод. Вражеской снаряжъяс потласьоны юн. Небесалань кыптоны ва столбъяс. Путкыльтчис кутшомко пыж. Горзоны отсог йылысь. Боецъяс форсируйтоны В. ю код варччомон, код керъяс вылын. Нюшта некымын пыж тыдовтчис. Переправа нюжалис лун шородз.

— И вот ме, дона ертъяс, штабын!—кывзысьяслы виччысьтог друг вежис голоссо Николай Васильевич. Школьникъяс гогорвоисны, мый сийо косийо помавны висьтсо, ворзыштитсны места выланыс, кодсюрояс аслыног кызоктисны. Герой нюммуныштит. Сийо гогорвоис жо, мыйла тадзи кызоктисны. „Но кадыс...—думайто аслыс.—Ок эсько, кадыс ко эз татшом одийо которт!.. Коло помавны. Ветлыны косийи регыд“. И сийо модис помавны:

— Менõ пõся поздравляйтõны. Командир Зеленцов ёрт тшõктõ нуõдны беседа присутвуйтысь красноармеецъяскõд да командиръяскõд. Дженъдыка висътала став йывсьыс, мый пережиті бõръя лунъясõ. Комдив благодаритõ став пьддйыс. Окалõ менõ. Крепыда топõдõ киõс да дыр треситõ сійõс батальоннõй комиссар Чепелев. Ставныс аплодируйтõны. Ме шõйõвоши. Эг виччысь татшõм встреча... И ставыс тайõ меным да менам ёртъяслы...

И сувтїгмозыс нин помалїс:

— Тайõ вõліны вунõдны позътõм минутаяс!

Герой дїнын матынджык пукалысьяс сувтїсны пõшти тшõтш ськõд. И бара мыныштїс кутшõмкõ йитõд. Зал выльысь ловзис том задорõн, герой дїнõ самõй искреннõй пõсь чувствоясõн тырõм аттьõалана аплодисментъясõн.

Уна, ой уна школьниклы геройкõд тайõ аддзысьлõмыс збыльысь лоасны некор вунõдны позътõм минутаясõн!

Доны 3 шайт